



Kyra Hoevertsz:

**“Tene pasenshi cu bo mes y celebra
bo logronan chikito”**



Pagina 2

- **CMO ta invita
comunidad pa
participa den
ejercicio pa tsunami
Caribe Wave24**

Pagina 3

- **Bista riba
participacion di hende
muhe riba mercado
laboral Arubano**

Pagina 6

- *Hulanda:*
**Studentenan ta mas
agresivo cu nunca**

Pagina 8

**Pa cerca di 3 siman mas
por sigui haya teerballs di
oilspill den costa**



Pagina 4



**Studentenan
a kibra porta y
drenta Palacio
Presidencial di
Mexico**

Pagina 10

Mama acusa di bende su yiu na Sur Africa



Pagina 18

Kyra Hoevertsz:

“Tene pasenshi cu bo mes y celebra bo logronan chikito”



Kyra Hoevertsz ta un atleta destaca den disciplina di water ballet, cu a conkista cantidad di medaya representando Aruba cu gran orguyo y disciplina. Pa Dia di Hende Muhe, Bon Dia Aruba a combersa cu Hoevertsz pa haya sa un tiki mas di su bida y enfoke.

Actualmente, Hoevertsz tin 25 aña di edad. E ta conta cu na Aruba, el a atende Scol Basico Washington y a haci dos aña na Colegio Arubano. Despues di esaki el a muda pa Merca unda el a completa high school. Despues, el a gradua di Lindenwood University cu un Bachelor den

Marketing, y actualmente, e ta den proceso di aplicacion pa universidadnan, pa asina continua su estudio cu meta pa haal su Masters. Su hobbies na e momentonan aki ta pasa tempo cu famia y amigo, bay beach y chill. E tambe ta disfruta di biaha y mira kico tur mundo tin pa ofrece.


“Na Aruba mi infancia tabata hopi leuk”, Hoevertsz ta conta. “Mi semper tabata core bicicleta cu mi amiganan y tabata pasa hopi tempo cu mi welonan. Door cu mi a muda cu apenas 14 aña, mi infancia tawata un tiki mas cortico cu otro hende, pero esey ta pasobra ami mes a dicidi di en-

foca completamente riba mi deporte.”

Hoevertsz ta conta cu el a cuminsa cu water ballet cu apenas 7 aña di edad, pero el a cuminsa bira hopi competitivo ora e tabatin 12 aña, eynan ta ora el a ripara cu e deporte tabata algo cu e tabata kier a continua na nivel profesional. “Cu 14 aña mi a logra convence mi mayornan pa laga mi bay biba na Merca pa por enfoca completamente riba e deporte.”

Mirando e exito excepcional cu Hoevertsz a alcanza, Bon Dia Aruba a puntra con importante e aspectonan di dedicacion, sacrificio y disciplina tabata pa yega na tur su logronan den mundo di deporte. “Mi ta kere e tresnan ey ta esnan di mas importante den e mundo di deporte. Sin nan bo no lo logra mucho, of nada na un nivel elite.”

Ademas, pa ta un atleta profesional na nivel elite ta rekeri hopi sacrificio, y esaki ta algo cu Hoevertsz ta consciente di dje. “Ami a sacrifica un bida normal desde 14 aña, pasobra mi a dicidi di laga tur mi amigo y famia na Aruba pa bay biba mi so na Merca,” e ta reflexiona. “Mi a mantene amistadnan si, pero nunca mi a bay fiestanan di cumpleaños, nunca mi a bay niun evento (por chempel concierto) na Aruba, nunca mi tabata logra bay get-togethers cu amigonan pasobra ami si tin bedtijd, y e lista ta sigui. Mi no ta bisando cu ami nunca a haci cosnan leuk den bida, pero djis mi tabata hopi cauteloso cu kico mi ta haci. Awo cu mita mas grandi, mi conoce mi curpa miho caba, y mi mes ta dicidi ki ora mi por haci algun actividad pa



por relax. Ora mi tin off di training si mita purba di topa cu amigonan mas hopi cu por, pasobra mi sa cu ora mi drenta training back, cos ta bira mas complica atrobe.”

Recientemente, Hoevertsz a keda nombra entre e 7 miho na mundo den solo y di 14 pa DUO, y esaki ta apenas algun di su logronan. El a logra un total di dies medaya den e Weganan Centroamericano y del Caribe, a gana e evento di solo dos biaha den Campeonato Panamericano, y tambe a gana varios titulo di campeonatonan nacional na Merca. El a competi den un total di 6 Mundial, di cual den e ultimo dos, el a logra su miho resultado!

Hoevertsz ta un muhe

chemplar, un muestra bibo cu trabao duro y disciplina ta hermentnan importante pa logronan den bida. Asina e por ta un inspiracion pa hobennan cu tin aspiracion y soñonan grandi. Pa nan, Hoevertsz tin un mensahe: “Keda positivo y tuma stapnan chikito tur dia. Tin biaha e hendenan mas cerca di bo ta esunnan mas negativo, no tuma esey personal. Tene bo meta den bo mente y acepta cu tur loke bo haci (fuera di training tambe) ta sea yuda bo of stroba bo yega. Y super importante, sea lief cu bo mes. Abo ta bo enemigo mas grandi, tene pasenshi cu bo mes y celebra bo logronan chikito. Un logro chikito pa dia ta mas importante cu un logro grandi pa luna.”



CMO ta invita comunidad pa participa den ehercicio pa tsunami Caribe Wave24



Crisis Management Office (CMO) a tene un conferencia di prensa e dia di ayera pa informa tocante e training Caribe Wave cu ta bay tuma luga dia 21 di maart proximo y ta nan invita comunidad pa participa den dje pa asina tin un bista di kico ta e preparacionnan den un caso real di tsunami.

Rino Hermans di CMO a informa cu dia 21 di maart 2024 pa entre 1.30 y 2or di merdia ta bay tin un training regional pa cu tsunami yama Caribe Wave, esaki ta trata di un training pa tsunami realisa pa Coordination Group for the Tsunami and Other Coastal Hazards Warning System for the Caribbean and adjacent Regions (ICG CARIBE-EWS) di Intergovernmental Oceanographic Commission (IOC) di Nacionnan Uni pa Educacion, Ciencia y Organizacion (UNESCO). Recientemente e fenomeno natural historico aki a determina e nivelnan di vulnerabilidad y riesgo pa e bida y medionan di sobrevivencia a traves di e tsunaminan na lo largo di e costanan di Caribe y regionnan cercano. Ehercicionan of training aki ta proporciona un incentivo fuerte pa paisnan por prepara pa un tsunami y pa comunidad participa den ehercicio aki.

Lothar Irausquin di Meteo a informa cu durante e ehercicio ta pone na prueba e canalnan di comunicacion pa ricibi e tsunami boletin, centenares di persona a participa den dje den ultimo decada pa asina yuda fortalece e consciencia y preparacion pa e evento poco frecuente aki pero cu tin un impacto halto

den Caribe.

Den ehercicio aki a pone dos escenario: un tsunami genera pa un terremoto di Mw 8,47 na trench di Panama y otro genera na trench di Puerto Rico di Mw 8,7.

Rino Hermans di CMO a sigura cu Aruba ta bay tin e ehercicio aki pa cu tsunami y pa CMO segun e escenario cu UNESCO a determina, esun di mas importante y esun di e riesgo di mas grandi pa Aruba ta Panama trench cu ta esun cu lo afecta cu olanan mas halto, den escenario si Aruba no haci nada cu esaki, esey ta nifica cu nan lo tin un perdida di bida di acerca 40.000 persona y nan ta predetermina cu 37% di economia di Aruba lo haya un impacto directo.

E olanan lo ta entre 1 y 3 meter di altura y ora esey ta

tuma luga asina, e criterio ta pa tur hende ta pa evacua e beachnan, e prome ola lo yega 1 ora y 43 minuut despues di e terremoto.

E boletinman pa stakeholders manera brandweer, polis y tambe prensa ta bay ta den 4 idioma, Ingles, Hulandes, Spaño y Papiamentu.

Esaki ta basa riba modelonan pero nan no a tuma den consideracion cu tsunami di Panama lo destrosa tur e area di hotelnan, hospital y tur deposito di cuminda na Aruba cu ta den e area cu lo por ta afecta cu ta 3 meter, suficiente pa dreña 1.5 kilometer di e costa.

“Nos ta bay training di manera real y si tin barco crucero den waf e dia ey nos ta bay wak kico e capitan ta bay tuma na su decision, pasobra e tin 90 minuut pa sali for di costa, si no ta sali for di



costa nos ta keda cu e efecto y e barco crucero lo hala un tiki mas paden di Aruba y nos tin cu deal cune.” Hermans a sigura.

Segun por a compronde for di Hermans, esaki ta ultimo biaha cu Aruba ta bay train cu e sistema aki, otro aña lo tin training cu Early Warning cu na augustus di e aña aki ta bay keda inaugura y Aruba ta bay den direccion di alarma nacional cu ta bay tin ademas di e sirena, e bos, e cual ta duna indicacion di kico tin cu haci despues di esaki.

“Nos ta encurasha tur hende pa participa pasobra un famia tambe lo mag di bay riba www.tsunamizone.org y registra, mester indica cuanto di cuanto miembro e famia ta y na unda e ta biba pa nos por tin un bista di esaki,” el a sigura.

Despues di e ehercicio, nan tambe ta bay haci un encuesta pa haya sa si e ehercicio a bay bon, kico ta e puntonan pa mehora, pa e motibo ey nan

tambe ta pidi pa yena e encuesta ey.

Nan ta bay monitoria cuanto hende a participa y cuanto hende lo a fayece door cu segun Hermans a señala, Aruba tin un tendencia cu no ta train of no ta participa pero ora cu algo ta sosode, ta cuestiona y critica.

Ademas, el a sigura cu tin hotelnan cu for di 2014 ta participa den full scala, ta evacua turistanan, pa nan tin tambe un concepto di kico nan plan ta y con e hendenan por actua.

En aña aki, SKOA cu su 48 scol tambe ta bay participa den e training aki y te cu ayera, segun informacion, nan a combina cu Setar pa traha un comando center pa nan por evacua tur mucha, scolnan y asina tin un idea cu den caso di ta un realidad, kico ta nan capacidad y kico ta e puntonan cu nan tin cu duna atencion den añanan cu ta bay bin pa Aruba bira e isla mas sigur den Caribe.

“Ta importante pa nos train, e training aki ta dura entre 1 ora pa 2 ora y ta bay haya un conocimiento di e capacidad cu tin y kico ta stroba pa scapa bida di hende, nos principio na CMO ta pa scapa bida, infraestructura, medio ambiente, economia y restart lo mas lihe cu ta posibel,” Hermans a señala.

Pa haya sa mas informacion por bishita e website www.caribewave.org unda ta splica tur loke ta haci den e ehercicio aki Caribe Wave, tambe por haya ki ora un terremoto a sucede, travel time di e olanan y ki ora nan lo por yega Aruba.

CMO y Meteo tambe a pidi na comunidad pa no dreña den panico ora ta realisa e training aki pa motibo cu ta trata di un training y no un evento real.

Bureau City Inspector y Serlimar cu accion di limpieza den Village



Den un esfuerso conhunto pa mehora e area di Village na San Nicolas, Bureau City Inspector (BCI) y Serlimar a uni forsa pa un accion di limpieza cu a cuminsa dialuna ultimo.

E iniciativa colaborativo aki tin como meta pa aborda e problemanan di acumulacion di desperdicio den e bario y promove practicanan di maneho di desperdicio responsabel entre e residente y negoshante nan.

E area di Village tin importancia historico y cultural pa

Aruba, cu un pasado vibrante cu siguramente a contribui na e identidad unico di nos isla. Sinembargo, den e mundo di social media cu nos ta bibando aden, departamentonan di naturalesa ya for di basta aña a cuminsa ricibi imagen y video cu ta indica e ciudadano su comportacion pa loke ta trata e desperdicio cu nan ta produci. Tambe a bin dilanti e necesidad pa mantencion di e area di Village. Tanto dato di pasado y presente ta indica un tendencia preocupante di acumulacion di desperdicio, causando retonan ambiental den e area y tambe un bista

no agradabel pa e habitantenan cu si ta responsabilisa nan mes pa nan desperdicio y tambe pa Aruba su bishitantenan.

"Un yamada ta bay na habitanantenan di Village y tambe negoshantenan di San Nicolas pa tuma medidanan proactivo pa sigura cu e bario keda limpi," Minister Arends ta remarca. "Ta esencial pa tur residente di Aruba tin un bari di sushi pa nan desperdicio di cas, tambe tur negoshante mester tin instalacion di bari grandi suficiente pa e desperdicio cu ta produci riba nan

tereno."

E colaboracion entre BCI y Serlimar hunto cu otro departamentonan di Gobierno ta subraya e responsabilidad comparti pa mantene Aruba limpi. Mientras Gobierno ta asumi su responsabilidad den educa, informa y brinda espacio den e fase transitorio di maneho di desperdicio, cooperacion comunitario ta esencial pa promove cu reglanan ta wordo obedece. Cayanan di Village no ta bo bari di sushi. Cualquier situacion di deposito di desperdicio inadecua, raporta esaki

via FIXI.aw, sigurando accion rapido door di autoridadnan relevante.

Minister Arends ta gradici e ploegnan y departamentonan cu ta traha diariamente pa aborda e problema di desperdicio. E ta keda na cada miembro di comunidad pa duna di nan parti den mantene Aruba limpi y bunita. Cu accion colectivo y un compromiso pa un maneho responsabel di desperdicio, nos por conserva nos naturalesa y herencia cultural cu ta defini nos Aruba dushi tera.

Pa cerca di 3 siman mas por sigui haya teerballs di oilspill den costa

Na cuminsamento di februari un incidente a tuma luga dilanti e costanan sur di Trinidad & Tobago na unda un barco a bolter lagando atras un cantidad grandi di oilspill den lama, pa dia 26 di februari Aruba a drenta den codigo orañ y pa 2 di maart a detecta teerballs den costanan di Aruba.

Esey ta nifica cu tur mainta nan bay wak y monitoria full costa di Aruba, na unda nan a parti Aruba den cinco pida. Nan a ruim op cu colaboracion di instancia y boluntarionan pa evita cu tur hende lo por haya fatiga y garantisa cu tur hende tabata bon pa identifica e oilspill.

Ayera redactor di Bon Dia Aruba a puntra na director di Crisis Management Office, Rino Hermans kico tabata e situacion actual na Aruba pa loke ta trata e incidente aki caminda el a sigura cu e situacion a stabilisa y ta normal na e momentonan aki, tambe a bisa cu ta bon pa hendenan keda atento ora ta cana rond y informa CMO, pa motibo cu nan tin un data bank cu den futuro cu Aruba lo haya un escenario igual nan por sa unda e teerballs a tuma luga.



Nan a pidi e funcionarionan encarga pa scout y tambe pueblo pa duna nan contribucion debi cu mas data nan ta recoge, miho nan por traha nan plan di responde cu menos costo y mas lihe nan por recupera e normalidad na Aruba.

"Esey ta e concepto cu nos ta bay pidi pueblo poco, poco pa duna mas informacion, pa asina nos por analisa y Aruba tin un data bank, cu cualquier incidente cu lo sosode tin informacion valioso pa por traha un plan,"



Hermans a sigura.

Riba rednan social recientemente por a mira varios video di usarionan den e costa di Aruba unda por a mira e presencia di teerballs di oilspill, di esaki Hermans a sigura cu Aruba ta bay sigui mira den proximo tres siman y nan no ta nifica un peligro, "pasobra en principio oilspill no mag di ta un crisis ambiental, e no mag di stroba e landando y tampoco mag di stroba e turtuganan di pone nan neishi na e beachnan, esey ta e plan di responde di Aruba cu nos ta aplica y door cu e

teerballs ta minimo, nos tin DOW su grupo cu ta cana rond y ora ta posibel nan ta piki e teerballs manera nos a hacie fin di siman ultimo na ful e costa cu 15 hende cu a bay piki tur di nan," el a sigura.

Hermans tambe a declara cu Aruba ta custuma cu e teerballs door di Jamaica y Trinidad & Tobago cu tin un ruta di barconan petrolero cu si nan ta pump over board, a pesar cu e ta prohibi, Aruba ta afecta pa teerballs. Den 2016 Aruba tambe a experiencia efectonan di oilspill despues tabatin e incidente na Amuay, Venezuela, den cual a monitoria cinco biaha pero door cu esey no a afecta Aruba, esey no a bay viral, pero nan si ta haya informacion door di tratado di Caribe (Centro Regional de Emergencia, Informacion y Capacitacion pa loke ta trata Contaminacion Marina – Caribe Rac-Rempeitc Caribe) e cual ta coordina oilspill y nan ta notifica e instancianan concerni, den caso aki CMO.

"Nos tine cubri pero e incidente ta keda incidente y cualquier dia e por gara nos di sorpresa," Hermans a finalisa.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION
Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Inteligencia Artificial pa Programa: DeepSeekCoder, Design2Code & OpenAgents

Den nos era digital esnan cu por traha y skirbi den diferente lenga di codigo di software ta un cos masha scars mes. E scarsedad aki ta hisa e prijs di tur cos cu ta basa riba software. Den e articulo aki nos lo toca e topico di tur e hermentnan Open-Source di AI cu tin awo pa locual ta programming. Pa asina nos amplia full e base digital di Aruba y pa full pueblo na un prijs hopi abao of casi por nada.

DeepSeekCoder

Den un publicacion oficial cientifico un grupo di expertonan di AI a release un programa yama "DeepSeekCoder" (Referentie: DeepSeek-Coder: When the Large Language Model Meets Programming -- The Rise of Code Intelligence). Esaki ta un AI super potente pa locual ta programa codigo di software. E por codeer den entre otro, JavaScript, Python, Java y C#. DeepSeekCoder ta outperform tur otro AI pa locual ta codeer y esaki por forma un herment masha potente mes pa Arubianonan cu kier traha software di tur tipo pero simplemente no tin e recursonan pa paga full un team di developers.

Design2Code

Design2Code ta un software Open-Source di AI traha conhuntamente cu Stanford y Georgia Tech (Referentie: Design2Code: How Far Are We From



Design2Code: How Far Are We From Automating Front-End Engineering

Chenglei Si¹, Yanze Zhang², Zhengyuan Yang³, Ruibo Liu⁴, Diyi Yang¹

¹Stanford University, ²Georgia Tech, ³Microsoft, ⁴Google DeepMind




Automating Front-End Engineering?). E herment aki por literalmente coy cualquier diseño di un website incluso sketches, wireframes, Figma, XD, etc. y converti esaki automaticamente den

HTML/CSS/JS code. Antes pa diseñá un website bunita tabata algo cu ta costa hopi tempo y fondo. Awo e ta casi gratis danki na Design2Code.

OpenAgents

Tin masha hopi herment ya caba open-source manera nos a muestra den diferente articulo, hopi di hermentnan aki ta usa "APIs" como nan base pa traha y funciona. Awo nos ta presenta OpenAgents (Referentie: OpenAgents: An Open Platform for Language Agents in the Wild), un set di herment cu posibilidadnan masha grandi mes. Na prome luga tin "Plugins Agent" cu ta duna acceso na mas cu 200 difente plug-in di tur sorto di ramonan di software. Tambe tin "Data Agent" cu por automatiza un parti hopi grandi di analisis di data usando Python y SQL.

En fin nos por conclui cu e hermentnan aki cu nos a papia cortico over ta en berdad "un game changer" sumamente grandi pa full e base di codigo di software. Atrobe ta enfatisa cu tur e hermentnan aki ta gratis y full open-source. Dus full pueblo di Aruba tin acceso na esaki. Cu e tools di AI aki nos por revolucionaria e base economico di Aruba y asina baha prijs di full e fundeshi di software di Aruba.



Lotto ta introduci un miembro nobo di Instacash “Shooting Star”!

Diabierna 8 di maart, Lotto, e loteria di Aruba, ta contento di por anuncia un integrante nobo “Shooting Star” den e famia di Instacash cu lo duna bo e oportunidad pa gana placa cash al instante!

Abo ta cla pa gana placa instantaneamente y no mester warda pa sorteo? Desde dialuna awo, 11 di maart Lotto lo trece un adicon mas na e famia di Instacash cu ta yama Shooting Star.

E wega di Shooting Star ta costa solamente 5 florin cu lo tin diferente premio cash y bo por gana te cu Afl. 15.000,-!

Con pa hunga?

Bishita bo rebendedo di Lotto preferi y pidi pa bo Shooting Star di Instacash desde dialuna awo. Ora bo cumpra e wega di Shooting Star, bo ta ricibi un ticket for di bo rebendedo preferi. Riba e ticket bo

ta wak e lista di numbertan ganado y abou di dje bo numbertan den un strea cu diferente number.

Match cualkier di bo numbertan ganado cu un di bo numbertan den e strea y gana e suma bou di e number cu bo a match. Tambe e wega ta duna bo e chens di multiplica bo ganashi! Por ehempel si bo a match un di e numbertan ganado cu un di e numbertan den e strea y bo a gana Afl. 100,- y si abou bo haya 3X ta nifica cu bo a multiplica bo premio cu 3 biaha y ta gana e ora Afl. 300,-!

Instacash ta dunabo e oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, Gold Mine, Hot Numbers, e famia di Instant Jackpot, Tic Tac Cash y awo Shooting Star cu ta dunabo e chens pa gana placa al instante!

Lotto, E Loteria di Aruba tin diferente wega, Ca-



tochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

DAO ta conmemora ‘Dia Internacional di Hende Muhe’

Bista historico y contemporaneo riba e participacion di hende muhe riba mercado laboral Arubano

Dia 8 di maart, Dia Internacional di Hende Muhe, ta e fecha riba cual mundialmente ta celebra y ta conmemora e avancen logra pa e ser femenino. Den cuadro di Directie Arbeid en Onderzoek (DAO) su 20 aña di aniversario, ta celebra e dia di awe compartiendo algun dato interesante riba e participacion di 100 aña pasa di e hende muhe riba e mercado laboral. Ademas di e bista historico aki di aña 1924, ta presenta tambe dato di e situacion contemporaneo.

Aruba tin un compromiso haci cu e accionnan necesario pa logra e Sustainable Development Goals (SDG's) di cual un di e metanan ta igualdad pa e ser femenino. SDG's ta consisti di

17 meta en total cu e proposito ta pa trece un desaroyo balansa. Particularmente riba Dia Internacional di Hende Muhe, DAO kier ilustra e importancia di Goal #5 (Gender Equality) y Goal #8 (Decent Work and Economic Growth).

Organisacion Internacional di Labor

E aña aki ‘International Labor Organization’ (ILO) y ‘United Nations’ (UN) nan tema pa e Dia Internacional di Hende Muhe ta ‘Invest in women: Accelerate progress’. E tema general aki ta toca area cu ta rekeri atencion y accion pa asina garantisa cu hende muhe no ta cay atras.

E tema general aki ta cubri 5 area clave rekeriendo atencion y accion pa asina garantisa cu

hende muhe no ta cay atras. Esakinan ta:

1. ‘inverti den hende muhe: un cuestion di derecho humano’,
2. ‘poniendo un fin na pobresa’,
3. ‘implementando financiamiento cu un perspectiva riba genero’,
4. ‘un cambio pa un economia berde y un sociedad di cuido’, y
5. ‘apoyando feministanan treciendo cambio’.

E recomendacionnan haci ta pa contribui na un desaroyo positivo pa mucha muhe y tambe e muhe adulto.

E enfasis aki ta pa asina percura pa comparti progreso economico, social y ambiental na un forma cu tur persona y futuro generacion por beneficia di dje. Estudionan a demostra cu inversion haci riba e progreso di hende muhe ta wordo inverti y comparti bek den e comunidad cercano. E esfuersonan cu e hende muhe ta haci ta hopi biaha no solamente pa su mesun bienestar, pero tambe pa su famia. E lasonan fuerte aki ta permiti compartimento di recursonan (p.e. financiero o di conocimiento).

1924, Aruba

For di un bista historico e cuestion di e participacion di hende muhe riba e tereno laboral di Aruba ta uno cu ta consisti di e hende muhe trahador. Na aña 1924 for di e total poblacion di esnan emplea, 59% tabata consisti di hende muhe y 41% tabata consisti di hende homber.

Mester nota cu comienso di e siglo 20 tabata uno economicamente dificil. Desempleo y tambe e impacto di segura a



resulta na diferente periodo unda cu pa gran parti hende homber (esnan casa y esnan soltero) a bay busca trabou den exterior (p.e. Venezuela, Colombia, Cuba, Curaçao y Surinam).

E fenomeno aki no a resulta den e inactividad di e muhe o dependencia di placa for di exterior. E placa cu nan por a manda bek pa Aruba tabata tarda, y tambe diferente factor por a impacta homber nan habilidad pa provee pa nan famia. Pues e gastonan di hogar y e cantidad halto di yiunan pa alimenta a keda un factor motivando hende muhe pa traha.

Na aña 1924 e profesionnan mas practica na Aruba tabata: trahador di sombre (39%) y agricultor (22%). Aunke cu ambos sexo a practica e ofishinan aki, agricultura tabata mas tanto domina pa hende homber y trahador di sombre tabata un ofishi cu mas tanto hende muhe a practica. Como cu e produccion di sombre tabata tuma lugar den e hogar. Esaki a duna e espacio pa hende muhe por ordena nan dia pa combina e trabou y e cuido di yiunan.

E siguiente tabel ta duna un bista di e trabou/ofishi cu hende muhe a practica na aña 1924:

Top 3. ofishi practica pa hende muhe Aña 1924	
Trahador di Sombre	67%
Cosedo	16%
Sirviente di Cas	6%

Fuente: Kelly, Lucia (1999). Participacion di muhenan Aru-

bano na e proceso laboral den e periodo 1900 – 192. Publicacion di Archivo Historico Nacional. E dato presenta ta contradeci e imagen di e hende muhe di antes como solamente un ‘ama de casa’. E realidad ta indica cu a pesar di perhuicio combina cu e carga familiar di cuido di yiunan, e hende muhe a haci un gran contribucion laboral.

2024, Aruba

E contexto contemporaneo ta uno cu ta refleha en general e desaroyonan positivo den cuadro di igualdad di genero. E siguiente lista ta brinda un bista di e posicion di hende muhe riba e tereno laboral.

Di tur contracto laboral pa temporada indefini riba e mercado laboral, e trahador femenino ta representa 53% di e grupo akinan, hende homber 47%

Di tur esnan riba e mercado laboral cu un educacionnan na nivel superior (HBO+), e trahador femenino ta representa 58% di e grupo aki, hende homber 42%

Di tur e ocupacion di un nivel halto di habilidad (higher skill level), e trahador femenino ta representa 56% di tipo di ocupacionnan aki.

Departamento di Labor y Investigacion ta felicita tur hende muhe riba e dia aki pa nan logronan extraordinario y nan contribucion pa cu e economia di Aruba.

BROWN
advocaten

OPHEFFING FAILLISSEMENT

Bij beschikking d.d. 6 februari 2024 heeft het Gerecht in Eerste Aanleg van Aruba het faillissement van de naamloze vennootschap, Miguel Tromp Roofing Construction N.V., uitgesproken d.d. 29 november 2018, wegens gebrek aan baten opgeheven.

mr E.H.J. Martis
curator
P.O. Box 651
Oranjestad, Aruba
Tel: (0297) 523-4242
Fax: (0297) 523-4220

AWE

MINI MEGA

MEGA PLUS

Awo cu 2 florin mas, bo por gana e

***Afl. 350.000,-**

*Afl. 250.000,- + Afl. 100.000,-
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

lotto

f

X

o

o

o

Hulanda:

Jumbo ta haci yamado pa debilbe pan di fruta pa via di nivelnan halto di schimmel carcinogenico

(NLTimes)—Cadena di supermercado Jumbo a anuncia un debilbimento immediato di un di su pan di fruta pa Pasco Grandi despues cu dos tipo di schimmel carcinogenico a ser descubri den e producto. E yamado pa debilbe e producto ta pa e La Place Luxe Kline Feest Stol cu cherry amarena, pistacho y hazelnoot.

E compania a bisa diaranson cu cualkier hende cu e variante di 400 gram mester debilbe e pan na un tienda

di Jumbo pa un reembolso completo. Esaki ta relata na pannan cu un fecha di vencemento entre 6 y 12 di maart. Prueba di compra no ta rekeri pa e reembolso.

“A descubri cu e pistacho den e producto tabata contene cantidadnan excesivo di aflatoxin y ochratoxin A, cual por ta dañino na salud di hende den largo plaso si e ser consumi na nivelnan halto,” Jumbo a skirbi. Schimmel cu ta produci aflatoxin por contamina plantanan na cualkier momento for di ora

nan ser planta pa ora nan ser cultiva y warda.

Ora esaki ser consumi, nan ta aumenta e riesgo di cancer di higr. Ochratoxin A, cual tambe ta surgi naturalmente riba plantanan pero tambe den casnan cu daño den sistema di awa, por aumenta e riesgo pa algun cancer y malesanan di sistema immuun. Tambe el a ser conecta cu fayó den riñon, y malesanan neurologico.



Digitalisando sector di cuida

Algun luna pasa Minister Dangui Oduber a anuncia cu lo bay digitalisa sector di cuida haciendo uso di e plataforma Aruba Health App. Awe ministerio di salud hunto cu AZV a haya presentacion di profesionalnan di Setar NV ariba e avancen di e proyecto.

Pronto e asegurado lo sinti

cambionan positivo ariba su Health App personal cu lo beneficia e asegurado. E team di SETAR ta trahando ariba un sistema concreto di cita cu e asegurado su dokter di cas. E asegurado lo por via su app, tin e opcion di contesta algun pregunta y asina dependiendo di e urgencia lo ricibi un contesta con pa sigui padilanti y si ta necesario lo ricibi opcion pa reserva su cita

na e dia y e orario disponibel. Adicional SETAR ta inventarisando con por medio di digitalisacion nan por yuda otro instancianan den sector di cuida manera specialistanan y Sticthing Bob.

Conforme Minister Dangui Oduber su vision y conhuntamente cu Setar y AZV ta trahando pa logra introduci e beneficio aki pa aseguradonan, paso e pashent ta central. Funcion cu ta trahando ariba dje pa futuro ta entre otro: traha afspraak cu dokter of specialista, historia medico di e asegurado, busca receta y hopi otro funcion mas lo bay ta disponibel.

Segun e mandatario esaki ta un “era nobo” pa asina digitalisa henter e sector di cuida medico, cu un resultado pa sigui mehora tur e servicionan y e calidad di cuida pa tur dokter di cas por traha na un manera mas eficiente, transparente y mas rapido y asina tambe e asegurado por ta mas informa y sinti nan mes den control di nan salud y calidad di bida.



Healthy Lifestyle Center a yega pa e comunidad pariba


Diahuebs mainta Minister Dangui Oduber a bishita MFA Savaneta hunto cu miembronan di Healthy Lifestyle Center pa wak e espacionan di e oficina cu tin disponibel. Esaki ta pa e uso di HLC brinda su servicionan na e comunidad pariba di brug y asina aumenta e accesibilidad.

Healthy Lifestyle Center a inicia oficialmente dia 23 di februari 2023. E meta principal di HLC ta pa brinda e pueblo di Aruba e guia profesional pa cu nan nutricion y movecion, specialmente esnan na riesgo pa haya complicacion di

salud, door di hiba un bida no saludabel. E meta ta pa guia e participante pa adapta su bida pa uno mas saludabel.

Den un aña HLC a logra di tin 300 cliente cu nan ayudo y guia pa hiba un bida mas saludabel. Pa e aña aki e meta ta pa yega 600 cliente.

Minister Dangui Oduber ta contento di anuncia cu e comunidad pariba di brug tambe lo haya su mesun centro. Pronto lo anuncia ki dia e oficina lo habri su portanan y tambe e orarionan. Keda pendiente. Hunto nos lo bay logra tin un comunidad mas saludabel.



“Pa lanta e peso financiero for di hendenan, nos tin cu bende un ENNIA nobo”

(AP) - E solucion presenta pa ENNIA, unda un continuacion di ENNIA ta crea, ta loke MAN-PIN a indica for di comienso como e manera di salvaguardia no solamente e pension di e retiradonan pero tambe posicionnan na trabao. Ademas di esey, nan ta contento cu Banco Central ta contribui tambe, mirando cu den nan opinion, Banco Central mester carga su responsabilidad.

Durante e dialogo tocante



mocionnan parlamentario, e fraccion MAN a introduci un amienda cu ta propone cu e Gobierno y Banco Central bende ENNIA su portfolio na un inversionista solido lo mas pronto posibel, generando e fondonan necesario pa sigura e pension di mas di 25 mil pensionado. Cu e benta di e portfolio aki, e ta nifica cu e “presion riba Gobierno di pone riba lomba di e ciudadanonan un pago di 30 miyon pa aña lo alivia. E placa aki por ser usa pa e desaroyo di nos hendenan. Nos, di MAN-PIN a permanece

firmes den nos posicion di yega un solucion, contribui na un solucion unda e impacto minimo ta cay riba nos hendenan.”

Den otro mocino, e fraccion MAN a boga pa cambianan na e statuut di Banco Central, fortaleciendo su rol como supervisor riba institucionnan financiero. Urgentemente ta haci yamado na e Ministerio Publico pa tuma responsabilidad y atende casonan di aña 2018 pa 2019 y asina lidia cu e personanan responsabel pa esaki.


Schema di beca di Reino lo a habri dia 1 di maart

(CuraçaoChronicle) - Desde dia 1 di maart, studiantenan na nivel 3 y 4 di MBO/SBO, HBO y WO dentro di Reino por aplica pa e Beca di Reino. E beca aki tin e meta di facilita intercambioan di estudio y stage dentro di reino pa e studiantenan. Anualmente, tin e capacidad pa sostene aproximadamente 120 estudiante.

E meta tambe ta pa aumenta e exito academico di studiantenan, mirando cu e beca ta provee un manera accesibel pa nan por mira con e ta pa

studia den exterior. E skema ta disponibel pa studiantenan di Aruba, Corsou y Sint Maarten y ta diseña pa sostene nan den nan aventuranan academico den educacion mas halto Hulandes.

Segun e condicionnan nobo, e subsidio ta disponibel pa studiantenan cu tin un nacionalidad Hulandes of ta considera un ekivalente y ta studia full-time den un programa reconoci na Hulanda. E skema aki ta enfatisa e inclusion di educacion secundario y mas halto di educacion vocational na nivelnan 3, 4, 5



reconoci pa institucionnan educacional den partinan Caribense di e Reino.

Un criterio crucial ta cu e studiantenan mester a exitosamente completa e prome aña

di nan estudio, cu rekisitonan cu ta varia dependiendo riba e tipo di programa. Pa un programa ‘bachelor’ of ‘associate’ tur e creditonan di e prome aña mester a ser logra.

Studiantenan den programan specialisa, vocational of di maneho mester a completa tur materia obligatorio y componentenan di e prome aña. Mester nota cu e studiantenan cu ta na nivel di ‘master’s’ no mester cumpli cu e rekisitonan aki.

Hulanda:

Studiantenan ta mas agresivo cu nunca aumenta suspensionnan y retiro di docentenan

(NLTimes) - E cantidad di studiantenan di educacion secundario cu ricibi u suspension of ser saca for di scol a causa di mal conducta contra docentenan of otro empleadonan a aumenta significativamente. Den e aña escolar pasa, e cantidad di studiantenan suspendi of expulsa a subi mas halto cu e nivelnan prome cu e pandemia den e pais y na tur nivel di educacion segun loke RTL Nieuws a reporta.

Durante e pandemia di coronavirus, tabatin un disminucion significativa riba e cantidad di suspension y expulsion for di scolnan. E disminucion aki a ser completamente descarta e aña escolar cu a caba di pasa. Mayoria problema a tuma lugar den



educacion secundario. Den VMBO-Kader, 410 estudiante a ser suspendi of expulsa den e aña escolar, compara cu 301

prome cu e pandemia. Den VMBO-Basis, e cantidad aki a aumenta di 393 pa 402. E docentenan a ripara e au-

mento aki. RTL a papia cu 350 miembro di e sindicato CNV Education y 200 a bisa cu personalmente nan a en-

frenta mal conducta di studiantenan, mayoria di nan den forma di insulto y menasa. Algun docente a bisa cu e studiantenan ta acosa nan den nan tempo priva, hayando nan na cas of vandalizando nan propiedad. E docentenan no ta pensa cu tin un solo motibo pa e aumento aki.

Nan ta pone e culpa riba un sociedad mas estricto y hopi mas individualisa, “e cultura di caya” y con e mayornan ta criando nan yiunan. “Mayornan hopi biaha ta hustifica e comportamiento di estudiante. Studiantenan no ta confronta na cas mas tocante nan comportamiento na scol. De hecho, e mayornan ta bin discuti ora cu castiga nan yiunan. Ki tipo di señal bo ta mandando cu esaki?”

PVV, VVD, NSC y BBB ta dicidi pa continua cu siguiente etapa di formacion di gabinete



(NLTimes)—Ta parece cu e partidonan politico cu a pasa varios luna den un intento pa forma un gabinete nobo na Hulanda ta yegando na e logro despues di un periodo unda e proceso a muestra para. Awo, PVV, VVD, NSC y BBB ta cla pa continua cu nan negociacionnan, y tur cuatro partido ta prepara pa provee ministernan

pa sirbi riba e gabinete, aunke posiblemente nan no ta politiconan, segun un fuente anonimo a conta NOS. Hunto nan tin 88 di e 150 asiento den parlamento, pero negociacionnan a collapse durante e ultimo ronda ora NSC diripiente a retira.

E partido derechista PVV, lidera pa Geert Wilders, a

gana mayoria voto den e eleccion na november aña pasa cu a tuma luga despues di a caida di e gabinete di Rutte. E eleccion a determina e composicion di Tweede Kamer. PVV a sigura 37 asiento y VVD, awo lidera pa Minister di Husticia Dilan Yeşilgöz-Zegerius, a gana 24 asiento. VVD ta e tercer partido mas grandi, y partido nobo NSC, lidera pa Pieter Omtzigt, ta di cuatro mas

grandi cu 20 asiento. BBB tin 7 asiento den Tweede Kamer.

Net despues di e eleccion, VVD a rechasa e idea pa participa den un gabinete, bisando cu nan a sufri demasiado perdida pa por keda den poder. NSC a bisa cu e ta prefera di forma un gabinete for di e parlamento en bes di sirbi den un gabinete cu PVV. Omtzigt tabatin reservacionnan tocante trahando cu e partido, di ken su liderazgo a sigui lectura esnan cu no ta para hunto cu Wilders riba asuntonan considera como menasante pa democracia y libertad di religion na Hulanda.

E forma di un posibel gabinete entre e cuatro partido no ta claro. E discusionnan ta moviendo mas cerca den direccion di un concepto di un gabinete extra-parlamentario, segun NOS. Previamente, Yeşilgöz a bisa cu e lo apoya un forma asina solamente si tur cuatro partido tabata envolvi igualmente. “Pa kibra e impasse, mi lo bin dilanti, y mi ta puntra mr. Omtzigt pa haci mescos,” el a bisa luna

pasa. Varios experto a uni e ronda di discusion aki pa splica diferencia forma cu un gabinete por tin en bes di e coalicion di mayoria tradicional. Un gabinete extra-parlamentario frecuente ta basa riba un set di meta generalisa, y no un acuerdo di coalicion ewxtensivo cu plannan concreto. Un formacion asina ta mas kita for di politiconan den parlamento, poniendo menos presion riba parlamentarionan ora nan vota riba iniciativanan di gabinete.

Si e partidonan dicidi cu esaki, nan lo haci mas tratonan concreto tocante finanzas publico, asunto di inmigracion y e posicion global di Hulanda. Kim Putters di PvdA, actualmente ta liderando e discusionnan di formacion. Ta anticipa cu e lo presenta su ultimo rapport riba e ronda aki pa dia 14 di maart. Segun NOS, ta anticipa cu e cuatro partidonan lo keda papia cu otro den e proximo ronda di negociacion.

Minister kier mas poder pa aborda deficit den vivienda na Hulanda

(NLTimes)—Minister pa Vivienda y Planificacion Demisionario Hugo de Jonge kier tuma mas poder cu su legislacion riba control di vivienda publico. Si e legislacion ser aproba, e minister lo haya mas control pa yuda contra e deficit di cas y e falta di sitionan pa edificio. E ta cortando e proceduranan di apelacion contra licencia pa plannan di construccion, segun e propuesta cu a ser manda diahuebs pa parlamento.

De Jonge ta kere cu e legislacion lo yuda e gobiernonan nacional, provincial y municipal accelera construccion, y mancha miho e cantidad di casnan cu ainda mester ser construi. E legislacion Versterking van de regionale volkshuisvesting tambe lo yuda administradonan determina e miho sitionan pa nan proyectonan di cas den futuro, y e grupo di hendenan riba cual mester enfoca cu desarojo di vivienda nobo.

E gobierno nacional, provincianan y municipionan lo mester crea un programa di vivienda publico cu ta contene e cantidadnan, e gruponan di enfoke y e sitionan di edificio. Provincianan y municipionan lo ta responsabel pa un cantidad adecua di sitionan pa construccion. E minister lo scoge sitionan si nan no ta di acuerdo cune.

Asociacionnan di vivienda y municipionan mester crea acuerdonan claro tocante e construccion di 250,000 unit di vivienda social y 50,000 pa hende cu salario medio te cu 2030. Mester registra unda y ki ora e casnan aki lo ser construi. Si e proceso bay robes, e minister por haci un decision vincula pa asina construccion por continua. Tur municipio ta rekeri di tin un areglo di emergencia. Actualmente esaki ta solamente e municipionan mas grandi cu tin un areglo di prioridad pa hende cu mester un cas urgentemente. Si tur municipio yuda buscadonan di cas den urgencia, nan lo tin miho chens pa haya un cas

adecua y buscadonan regular lo tin un miho chens pa haya cas, segun de Jonge.

De Jonge tambe ta treciendo un fin na proceduranan di apelacion cual ta causando retrasonan den proyectonan di construccion. Decisionnan di licencia por ser apela un biaha so bao di e legislacion

nobo en bes di dos. E minister ta bisa cu esaki por spaar un aña di tempo.

E corte administrativo mester tuma un decision dentro di seis luna riba proyectonan cu tin un obhecion na e legislacion nobo. E proyectonan aki lo ser designa pa e gabinete

pasobra “implementacion accelera ta necesario debi na preocupacionnan social intenso,” e ta skirbi pa Tweede Kamer.

Ambos e Tweede y Eerste Kamer lo mester vota riba e propuesta. De Jonge tin e meta ambicioso pa mira e ley tuma efecto dia 1 di juli.



Conmocion na Colombia pa e desaparicion y morto di un mucha di 3 aña

(NTN24-Infobae) – Un hecho fatal cu ta involucra un mucha di 3 aña a genera un conmocion grandi na Colombia, especificamente na e municipio di Fusagasuga, Cundinamarca.

Un mucha di solamente 3 aña di edad reporta como desaparecido diamars 5 di maart bao e nomber di Jeronimo Angulo, ta uni na e lista di hechonan violento cu tin como victimanan muchanan na teritorio nacional y cu cada biaha ta bira mas frecuente.

Unidad di Cuerpo di Bombero di Fusagasuga a haya e curpa di e mucha den oranan di atardi di diaranson ultimo 6 di maart cerca di un rooi, na un sector conoci como La Aguadita, un zona rural di Fusagasuga.

E denuncia di e desaparicion di e mucha a bira conoci diamars ultimo ora e mama di dje a haya un alerta di su pareha sentimental y padrastro di e mucha. Di acuerdo cu e declaracion di e



mama, Erika Ocampo, prome cu a haya e curpa sin bida, el a bisa cu tur cos a sucede ora e tabata na su trabou.

Segun su version, mientras e tabata trahando el a haya un yamada di su pareha ken a sigura cu e mucha a desaparece di e cas mientras el a sali haci algun comprasnan.

E bisiñanan a uni na unidadnan di Polis Nacional y organismonan di buskeda,

oranan a pasa y debi na aumento di atakenan contra muchanan menor di edad na teritorio nacional, autoridadnan local a dicidi di instala un Puesto di Mando Unifica (PMU) pa coordina accionnan cu e obhetivo di haya e mucha.

Oranan prome cu a ubica e cadaver, su mama a traves di television a pidi ayudo pa haya su yiu.

Coronel Andrés Serna, comandante di Polis di Cundinamarca a indica cu nan a dispone di un ekipo special pa traha den e buskeda y tabata bao coordinacion di e PMU instala pa Alcaldia di Fusagasuga.

Despues di 4or di atardi di diaranson ultimo Cuerpo di Bombero di Cundinamarca a anuncia riba e hallazgo di

e curpa sin bida di Jeronimo Angulo.

Di acuerdo cu detayenan entrega pa autoridadnan encarga di e atencion di e caso aki, organismonan di rescate a haya un saco di sushi di color berde cerca un rooi, ora nan a check e contenido di e saco por a establece cu tabata trata di e curpa di e mucha di tres aña reporta como desaparecido e dia anterior.

A traves di rednan social Fiscalia General di Nacion a anuncia cu un bes a haya e curpa sin bida di e mucha a cuminsa cu e investigacion pa aclarar e hechonan.

Ta parce cu e padrastro a purba di sali for di e municipio den un bus, sinembargo, Polis Nacional a logra deten'e y a present'e na autoridadnan pertinente. Te ainda e investigacion no a culmina y nan no ta descarta un homicidio, teniendo na cuenta e condicionnan den cual a haya e curpa di Jeronimo.

Studentenan a kibra porta y drenta Palacio Presidencial di Mexico

(DW) – Hobennan Mexicano cu tabata protesta pa e desaparicion di 43 estudiante di Ayotzinapa diaranson ultimo a kibra un di e portanan principal di Palacio Nacional mientras e presidente, Andres Manuel Lopez Obrador, tabata duna un conferencia di prensa.

E mandatario a califica e acto aki “como un provocacion”, pero a descarta cu lo tuma represalia.

“Esaki no ta bay scala mas, esey ta loke nan kier, cu nos lo contesta nan di manera violento, nos no ta represor, ta bay drecha e porta y no tin mas problema, pero loke nan kier ta provoca, esey ta mas cu claro,” e gobernante Mexicano a manifesta.

Manifestantenan ta acusa Lopez Obrador di no resolve e caso pa protege militarnan involucra, nan a tuma un pickup cu ta pertenece na Comision Federal de Electricidad (CFE) pa benta e porta abao ubica na caya



Moneda di e centro historico di Ciudad di Mexico.

Television tabata muestra un grupo di siguridad ekipa un escudonan y enfrentando e hobennan cu cara tapa den e Palacio Nacional. Ora nan a mira cu guardianan tabata surpasa nan den cantidad nan a bay busca extinguisher di candela y a activa nan den direccion di

e manifestantenan, segun medionan local a señala.

Studentenan tabata protesta pa motibo cu Lopez Obrador no a cumpli cu e promesa di resolve e desaparicion di nan 43 compaño cu a desaparece na september di 2014 na estado di Guerrero, aunke Comision di Berdad crea pa Lopez Obrador a conclui

na 2022 cu esey tabata “un crimen di Estado” den cual tambe a participa Ehercito. Den ultimo simannan a secuestra varios truck, a vandalisa instalacionnan di Gobierno y a realiza un protesta na Zocalo pa exige un audiencia cu Lopez Obrador.

E gobernante a indica cu no lo ricibi nan, debi cu “den

15 dia of 20 dia mas” ta bay ricibi e famianan di e 43 estudiante pa “papia cu nan y muestra e pruebanan di con e investigacion tabata manipula.”

E mandatario a bisa na e mayornan “cu ta avansando den investigacion” pero “loke ta sucede ta cu nan ta bao manipulacion” pa Comision Interamericano di Derechonan Humano (CIDH), Organizacion di Estadonan Americano (OEA) y “gruponan conservador di derecha apoya pa gobiernonan stranhero”, segun loke e ta bisa.

Studentenan di scol rural di Ayotzinapa a desaparece entre 26 y 27 di september di 2014 na ciudad di Guala, na estado di Guerrero, un di e ciudad mas violento na e pais debi na enfrentamentonan entre cartelnan di narcotrafico. Casi 10 aña despues, e caso te ainda ta causa conmocion na e pais.

*Mi so mi ta poderoso
pero hunto nos ta invencibel*



**Feliz Dia di
Hende Muhe**



Al menos 126 activista asesina na Latino America den 2023

(Reuters) – Al menos 126 defensor di derechonan humano y medio ambiente a bira victima di asesinato na Latino America den 2023, segun datonan di e Corte Interamericano di Derechonan Humano (IACHR pa su siglanan na Ingles) publica diamars, igualando e cifra di e aña anterior.

IACHR, un organo autonomo di e Organisacion di Estadonan Americano (OEA) basa na Washington, a expresa alarma tocante “tasanan halto di violencia” contra defensornan di derechonan humano den e

region, unda 54 asesinato a keda reporta den apenas e ultimo tres luna di aña.

“Manera añanan anterior, e violencia aki tabata dirigi particularmente contra esnan cu ta defende tera y medio ambiente, como tambe lidernan di gruponan indigena y comunidannan di descendencia Africano,” IACHR a bisa den un declaracion.

Colombia tabata e pais mas mortal pa activistanan di medio ambiente y derechonan humano, cu asesinatonan aumentando na 34 compara cu e 26 na 2022.

Brazil tabata na di dos lugar cu 10 asesinato, sigui pa Mexico cu cuatro y Guatemala, Honduras y Peru cu tres, dos y un asesinato respectivamente.

IACHR a felicita e aumento di presupuesto na Mexico destina pa reforsa un programa di gobierno pa proteccion di defensornan di derechonan humano y periodistanan, mientras a expresa preocupacion tocante e asesinato di e cuatro defensor di derechonan humano.



Tres prisionero di Grenada cu a huy acusa di asesinato

Despues di desaparicion di pareha Mericano

(AP) — Tres prisioneronan cu a huy na e isla Caribense di Grenada a keda acusa di e asesinato di un pareha Mericano, despues cu a invadi nan catamaran, segun polis a bisa ayera.

Ron Mitchell, un marinier di 30 aña di edad; Atiba Stanislaus, un agricultor di 25 aña di edad; y Trevon Robertson, un homber di 23 aña di edad sin trabao, a keda acusa di asesinato capital, huy for di custodia legal, kibra drenta un cas, hortamento y secuestro.



Tambe a acusa Stanislaus di un cargo di violacion, segun un declaracion di Cuerpo Policial Real di Grenada.

E hombernan a presenta den corte ayera y a ricibi orden pa keda deteni den prison te cu nan audiencia fin di e luna aki. Nan a keda acusa di huy for di un cel di detencion di polis riba dia 18 di februari ultimo, y invadi un catamaran propiedad di Ralph Henry y Kathy Brandel mientras e pareha tabata abordo. Autoridadnan a bisa cu ta kere cu a tira e pareha den lama mientras e sospechosonan a nabega na e isla cercano di St. Vincent, unda a aresta nan dia 21 di februari.

A duna orden pa deporta e tres homber for di St. Vincent riba dialuna.

Salty Dawg Sailing Association, un organisacion sin fin di lucro, a describi Henry y Brandel como “veteran cruisers” kende a participa den e Caribbean Rally di aña pasa for di Hamton, Virginia te Antigua, y tabatin plan pa pasa berano nabegando den oriente di Caribe.

Nan curpa no a ser haya.

Oprah lo papia tocante impacto di medicamento pa baha peso den un special di television



(TMZ) - Oprah ta preparando pa papia tocante un topico grandi na Merca den su special di television binidero, pues ta trata di e impacto cu pildonan pa perde peso ta teniendo riba sociedad y riba su persona.

E bionario a bisa cu e lo

atende e medicamentonan y nan relacion na e revolucion di perdida di peso den su special nobo di ABC Prime-time titula "An Oprah Special: Shame, Blame and the Weight Loss Revolution" cual lo lansa den algun siman.

Oprah su special ta bini solamente simannan despues

cu el a retira for di Weight-Watchers su directiva despues di un partnership di casi 10 aña, lagando e compania di perdida di peso atras net ora cu el a cuminsa ricibi critica despues di revela cu e ta usa medicamento pa perdida di peso. Aña pasa, TMZ a reporta cu Oprah a perde peso cu e ayudo di medicamento receta pa dokter, aunke nunca el a revela e nomber di e medicamento aki.

E hecho cu Oprah ta haci uso di medicamento pa perdida di peso ta pa motibo cu anteriormente el a categorisa medicamentonan manera Ozempic y Mounjaro como un "caminda facil" sinembargo el a bira rond y cuminsa haci uso di esaki su mes, aunke no ta cla cua di e medicamentonan e ta usando.

Un special di television lo explora preguntanan y preo-



cupacionnan tocante medicamentonan di perdida di peso y su uso, efectonan secundario ademas di su impacto riba hendenan cu ta biba cu obesidad y diabetes. Den un declaracion anunciando e special, Oprah ta bisa cu "e ta un topico hopi personal pami y e miyones di persona impacta

rond di mundo cu tin añanan ta lucha cu obesidad y nan peso. E special aki lo trece hunto expertonan medico, lidernan den e espacio y personanan den e lucha diario pa papia tocante igualdad den salud y obesidad cu e intencion di combati e stigma y berguensa contra peso."

Paula Abdul ta bisa cu e tin prueba di Nigel Lythgoe su acoso sexual



(TMZ) - E ta practicamente un guerra entre Paula Abdul y ex productor ehecutivo di "American Idol" Nigel Lythgoe y awo e ta produciendo mensahenan di texto for di dje, cual e ta bisa ta muestra algun di e maneranan den cual el a acosa su persona sexualmente.

Paula su abogado Melissa Eu-

banks a conta TMZ cu Nigel ta purbando di bergonsa Paula y ta dunando solamente pidanan di informacion di añanan di comunicacion entre nan dos como parti di su intento di desacredita e acusacionnan cu Paula a trece dilanti den su contra, cu e demanda di acoso sexual den december di aña pasa.

TMZ a reporta anterior-

dinamica di poder entre nan dos y den na nrelacion, unda Lythgoe tabata un ehecutivo poderoso y su hefe mientras cu Paula tabata traha bao di dje como un hues riba un competencia cual e ta produci. Abdul su abogado ta bisa cu e "tabatin e cartanan di su carera den su man y e tabata sa esaki." E abogado tambe a yama Nigel su tactica un instancia clave di "pone berguensa riba e victima."

Ademas, Paula su ekipo legal ta bisa cu e emailnan cu Nigel a referencia den su documentonan tabata instantenan unda Paula tabata apela na su ego cu "mensahenan positivo y un supuesto admiracion ... defensanan cu hopi hende muhe manera Abdul ta adop-

ta pa trata cu hende homber cu ta abusa di nan poder." Paula a declara cu e tin algun evidencia for di Nigel tambe, bisando cu e tin mensahenan di texto di su persona unda tin varios incidente di acoso sexual.

Abogadonan di Abdul ta acusa cu Nigel a agredi su persona verbalmente tambe den varios ocasion, cual e ta bisa ta "evidencia di e comportamiento abusivo frecuente cu Abdul mester a wanta durante su trabao riba American Idol y So You Think You Can Dance."

Nigel su ekipo te ainda no a responde na e contesta aki di Abdul.





Warehouse Sale!

SO MANY ITEMS...

SO LITTLE TIME

8TH-9TH MARCH, 2024



Blariden Table set

Was ~~Avg 629~~

NOW Avg **377**

Save
Avg **252**



Johurst Sofa Table

Was ~~Avg 1219~~

NOW Avg **731**

Save
Avg **488**



Frankwell Bookcase

Was ~~Avg 939~~

NOW Avg **563**

Save
Avg **376**



Blariden Desk w/ Bench

Was ~~Avg 315~~

NOW Avg **377**

Save
Avg **61**




Socalle Nightstand

Was ~~Avg 379~~

NOW Avg **227**

Save
Avg **152**



Quinnlamd Sofa Table

Was ~~Avg 1099~~

NOW Avg **659**

Save
Avg **440**

Visit our Warehouse at:

Sabana Blanco 1D
(Bandi Bohama)

Time:

8:30AM - 4:30PM

**AND MORE
PRODUCTS!**

Accidente entre Autobus y V-car na Cura Cabay



Diamars atardi a drenta informe di un accidente na Cura Cabay. Mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un autobus blanco y un v-car shinishi. E autobus no a duna preferencia na e v-car. Afortunadamente ningun persona a resulta herida. Patruya a tuma nota di e accidente aki.

Accidente pa falta di preferencia na crusada Venezuelastraat Weststraat



Diamars atardi a drenta informe di un accidente na e crusada Venezuelastraat cu Weststraat, mesora

a dirigi un patruya na e sitio.

Na yegada di e patruya a bin compronde cu aki

ta trata di un accidente pa falta di preferencia. Afortunadamente ningun hende a resulta herida.

Polis a para un auto pa un infraccion cometi



Diamars atardi durante patruya na Tanki Leendert polis ta nota un auto ta comete un infraccion.

Mesora a dun'e señal pa para y a atende cu e chauffeur. Despues di a atende cun'e a dun'e un boet pa e infraccion cometi.

Accidente entre dos auto na parkinglot di supermercado na Jaburibari



Diamars atardi a drenta informe di un accidente dilanti Tesco Supermarket na Jaburibari, mesora

a dirigi un patruya na e sitio.

Na yegada di e patruya a bin compronde cu aki un auto

a rasca e otro ora un ta sali mientras e otro ta drentando. E daño tabata minimo y ningun hende a resulta herida.

A horta tas di turista di crucero minuutnan despues di yega Eagle Beach

Diaranson mainta a drenta informe di un situacion desagradabel cu a sosode na Eagle Beach, mesora a dirigi un patruya di lama cu urgencia na e sitio.

Na yegada di e patruya a bin compronde cu apenas algun minuut cu e dama turista crucero a yega na e beach ela pone su tas cu pertenencianan banda di e beach y den un frega di wowo esaki a desaparece.

E dama turista a keda masha rabia y no kier keda mas eyan y a pidi polis pa hib'e waf



ya cu e no kier keda eyan pa warda bus cu net a caba di bah'e eyan. Polis a coopera cu e dama turista pa hib'e bek na waf.



Chauffeur a bay dal tras di pick-up na Piedra Plat

Diamars atardi a drenta informe di un accidente pabao di e rotonde na Piedra Plat, mesora a dirigi un patruya na e sitio.


Na yegada di e patruya a bin compronde cu aki ta trata di un accidente unda e chauffeur di un s.u.v. bayendo pabao no a regula su velocidad ni a mantene distancia a bay dal tras di pick-up. Afortunadamente ningun hende a resulta herida.




Chauffeur a dal palo di luz kibra y a sigui core bay lagando algun barrio sin coriente

Diamars anochi a drenta informe di un accidente riba e caminda di Cayena Mall pa Sero Blanco, mesora a dirigi un patruya na e sitio.

Na yegada di e patruya a bin compronde cu un chauffeur a pasa dalu un palo di luz kibra y a sigi core bay lagando algun barrio sin coriente. Polis a solicita presencia di ELMARNV pa bini haci e reparacionnan necesario pa re-establece e suministro di coriente pa e barionan.



Den oranan di anochi laat habitante a scucha stapnan den su cura di cas



Diamars anochi laat a drenta informe di cu un habitante ta scuchando manera hende ta cana den su cura di cas na Dadelstraat, mesora a dirigi un patruya na e sitio.

Na yegada di e patruya a tira bista rond y no a mira nada particular ta pensa cu lo por ta trata di pushi of cacho pero polis no a haya ni eseyan. E habitante a keda mas trankil cu e solo presencia di polis na su cas.

Departamento di Husticia ta aumenta enfoke riba inteligencia artificial y ta adverti castigo mas estricto

(AP) - E Departamento di Husticia ta aumentando su enfoke riba inteligencia artificial, cu oficialnan advirtiendone diahuebs cu e companianan y hendenan cu deliberadamente duna e tecnologia mal uso pa avansa crimen ‘white-collar’ manera cambia prijs, fraude of manipulacion di mercado lo ta den riesgo di un castigo hopi mas pisa.

Procurador General Lisa Monaco a bisa cu e departamento di husticia lo tuma na



cuenta con bon un compania ta manehando e riesgonan

di tecnologia AI cada biaha cu evalua un programa di cumplimiento corporativo. E tipo di programa aki ta un set di politica y procedura diseña pa detecta mal conducta y pa sigura cu e ehecutivonan y empleadonan ta cumpliendo cu e ley.

E comentarionan for di departamento di husticia su di dos lider ta delinea e extento na cual e oficialnan ta preocupa cu e tecnologia den desaroyo rapido por ser explota pa enemigonan den exterior of criminalnan corporativo cu ta

busca causa daño na Merca. E remarcanan tabata diseña pa pone e lidernan di negoshi altanto di un responsabilidad legal pa mitiga e riesgonan di avance den AI.

Monaco a revela e movida aki un dia despues cu Departamento di Husticia a anuncia acusacion contra ex ingeniero di software di Google acusa di horta secretonan di AI for di e compania basa na Mountainview California mientras tabata traha secretamente cu dos compania basa na China.

Ex ingeniero di Google acusa di horta secretonan di AI mientras e tabata traha cu 2 compania Chines


(AP) - Un ex ingeniero di software na Google a ser acusa di horta secretonan di inteligencia artificial for di e compania mientras e tabata secretamente trahando cu dos compania basa na China, e departamento di husticia a bisa diaranson.

Linwei Ding, un nacional Chines, a ser aresta den Newark, California bao 4 acusacion di robo di secretonan federal, cada un castigabel cu 10 aña den prizon.

E caso contra Ding di 38 aña a ser anuncia na un conferencia di American Bar Association

na San Francisco cu procurador general Merrick Garland, ken conhuntamente cu otro autoridadnan a adverti varios biaha contra e menasa di spionahe economico Chines y tocante preocupacionnan di seguridad nacional cu avanzan den inteligencia artificial por poseer y otro tecnologianan den desaroyo.

“Awe su acusacionnan ta e ilustracion mas recien di e extento cu afiliadonan di companianan basa na China ta dispuesto na bay pa horta innovacion Mericano,” director di FBI Christopher Way a bisa den un declaracion. “E robo di tecnologia



innovativo y secretonan for di companianan Mericano por costa trabaonan y tin un consecuencia pisa riba sigu-

ridad economico y nacional.” Google a bisa cu nan a determina cu e empleado a horta “varios documento” y a man-

da e caso na autoridadnan. “Nos tin proteccionnan estricto pa preveni e robo di nos informacion comercial confidencial,” vocero di Google, Jose Castaneda, a bisa den un declaracion. “Despues di un investigacion, nos a haya cu e empleado aki a horta varios documento y nos a manda e caso rapidamente na autoridadnan. Nos ta gradicido cu GBI pa yuda nos proteha nos informacion y lo sigui coopera cu nan di cerca.”

Un abogado nombra como Ding su abogado di defensa no a duna comentario.

Geoffrey Wever a dialoga cu 6e klassers di Colegio Bon Bini tocante Sustainable Development Goals



Minister di Asuntonan Economico, Comunicacion y Desaroyo Sostenibel, Geoffrey Wever, tabata di bishita na Colegio Bon Bini na Madiki, pa duna un presentacion tocante e Metanan di Desaroyo Sostenibel (“Sustainable Development Goals SDG’s”).

E SDG’s ta enfoca riba con mundialmente por caba cu pobreza y hamber, elimina desigualdad, proteha nos planeta, y segura cu tur hende por disfruta di bon salud y cuido medico, husticia, y prosperidad comparti. Ta crucial cu ningun persona ta ser laga atras. Pakico e ta importante pa



educa nos hobennan tocante SDG’s? E metanan di desaroyo sostenibel ta un esfuerzo conhunto di tur persona y entidad den comunidad. “Nos muchanan tin un rol importante den transforma nos mundo - y isla - di manian”, segun e mandatario ca-

mina a ilustra riba diferente ehempel con cada un di nos, incluyendo hobennan, por haci un diferencia. “Hobennan tin e oportunidad pa haci un diferencia pa nan mes, nan famia y pa nan comunidad, p’esei ta importante pa educanan riba pun-

tonan di desaroyo sostenibel. E interaccion cu e hobennan ta demostra cu nos nan ta hopi al caso di kico ta pasando na mundo, y ta representa un speranza pa mehoracion y mas inclusion den desaroyo di nos isla”, minister Wever ta termina.

Brayan Bello y e Boston Red Soxa acorda na un contract di 55 miyon dollar pa 6 aña

(AP)—Right-hander Brayan Bello y e Boston Red Sox a acorda na un contract di 55 miyon dollar pa seis aña, segun un persona familiar cu e negociacionnan a conta AP.

E acuerdo di Bello ta inclui un opcion di ekipo di 21 miyon dollar pa 2030 cu un compra di 1 miyon dollar cu si e scoge pa esaki lo haci e acuerdo bale 75 miyon dollar durante shete temporada a bisa.

E persona a papia riba condicion di anonimidad diahuebs pasobra e trato no a

ser anuncia ainda. Su acuerdo a ser reporta pa prome biaha pa MLB.com.

Bello ta cumpli 25 aña di edad na mei y a ser contrata pa e Red Sox for di Republica Dominicana den 2017 pa 28,000 dollar. E lo por a ser eligibel pa mediacion despues di e temporada di 2025 pa agencia liber siguiendo e temporada di 2028. E tabatin un salario di 729,500 dollar aña pasa y ausente, e trato probablemente lo por a ricibi casi 750,000 dollar e temporada aki.

E tabata 12-11 cu un ERA di 4.24 den 28 comienso

aña pasa pa e ekipo cu a Sali ultimo, saliendo cu un averahe di 95.5 mph cu su fastball. E velocidad di su fastball tabata 97.7 mph na 2022, ora el a bay 2-8 cu un ERA di 4.71 den 11 comienso y dos apariencia di alivio.

E ta forma parti di e rotacion pronostica cu ta inclui Nick Pivetta, Kutter Crawford, Tanner Houck y Garrett Whitlock. Boston a firma Lucas Giolito pa un contract di dos aña na balor di 38.5 miyon dollar, pero e right-hander di 29 aña probablemente lo mester operacion Tommy John pa e di dos biaha.



Ekipo di futbol Hulandes lo enfrenta Italia den prome wega di cualificacion den Campeonatonan Europeo



(NLTimes)—E ekipo di futbol Hulandes lo cuminsa nan campaña di cualificacion den e Campeonatonan Europeo 2025 cu un wega contra Italia dia 5 di april. Nan lo hunga seis wega den e

Grupo di Cualificacion A1, cu Noruega y Finlandia como e otro dos oponente.

E banda di Andries Jonkers lo hunga den nan prome wega di cas cuatro dia despues di e wega contra Italia. E leeuwinnen lo enfrenta Noruega den e Rat Verlegh Stadium na Breda. Dos wega contra Finlandia ta sigui, pero e localidad di e wega dia 31 di mei no a ser anuncia ainda. E campaña di cualificacion lo conclui cu un wega contra Noruega dia 16 di april 2025.

Noruega ta ser considera como e rival principal di e

Leeuwinnen den e grupo. E Noruegonan a bira campeon mundial na e Copa Mundial di 1995 prome cu gana oro Olimpico na 2000. A pesar di esaki, Italia actualmente ta e oponente den rango mas halto cu e Leeuwinnen lo enfrenta durante e etapa aki. E italianonan ta wanta e di 14 posicion den e rango mundial di FIFA. Noruega ta na di 16 luga, y nan coleganan Finlandes na di 27. Hulanda ta e ekipo mas halto den e grupo; nan ta para na di shete luga.

Jonker tambe a adverti di e menasa di e Italianonan.

“Nan a duna bon resultado cu nan gerente nobo durante e ultimo lunanan, por ehempel, nan victoria contra Spaña. Na mesun momento, mi no tabata spera pa un grupo cu Inglatera of Suecia.”

E dos top paisnan ta cualifica directamente pa e Campeonatonan Europeo ta Suisa. Si Hulanda caba tercer of na di cuater luga, nan por cualifica tambe den e eliminacionnan. E ora nan lo competi cu 27 pais pa e shete luga cu ta resta.

Potret cortesía di KNVB.

Simona Halep lo regresa den accion na e Miami Open despues di apela su suspension di doping

(AP)—Simona Halep lo regresa tennis na e Miami Open e luna aki despues di gana su apelacion di un suspension di doping y logra reduci su castigo for di cuatro aña pa nuebe luna.

“Danki na e torneo pa duna mi e oportunidad aki y mi no por warda pa ta back riba veld y competi,” e dos biaha campeon di Grand Slam y ex-hungado number 1 a bisa diahuebs riba red social.

El a ser duna un invitacion pa ta un hungado “wild card” pa e wega principal na e torneo di veld duro riba e sitio di e Miami Dolphins Stadium. E hugada di hende muhe ta cuminsa dia 19 di maart.

Hapel, di Romania, ta permiti pa

resumi su carera di tennis danki na e decision den su fabor anuncia diamars pa e Court of Arbitration for Sport. El a test positivo pa un droga prohibi durante e U.S. Open 2022 y no a competi riba tour desde e tempo ey. Halep a argumenta na e corte cu su exposicion na e substancia a bin via un suplemento contamina.

Mientras un panel di tres hues a determina cu Halep tabatin “algun nivel di culpabilidad of negligencia” pa no eherce “suficiente cuidu” mientras e tabata uzando suplemento, el a bisa cu “e no tin un culpa of negligencia significante.” E huicio a bisa cu “su violacionnan di reglanan anti-doping no tabata intencional.”

Halep a gana campeonatonan grandi

na Wimbledon na 2019, por medio di gana Serena Williams den e final, y na

e French Open na 2018, ora el a gana Sloane Stephens den e final.



Desaparicion di mucha a hala atencion di Sur Africa y awo su mama ta acusa di bende e mucha

(AP) - E mama di un mucha di 6 aña cu tabata perdi na Sur Africa pa casi 3 siman a ser aresta y acusa diahuebs di secuestra y bende of contrabanda su yiu muhe, un punto impactante den e caso cu a hala atencion di e pais y a genera rabia profundo den e comunidad chikito y pober unda e famia ta biba.

E mucha muhe, Joslin Smith, te ainda no a ser haya y polis a renoba yamado pa “tur ciudadano, tur persona” yuda haya e mucha den medio di preocupacion cu el a ser hiba otro ciudad of te hasta saca for di e pais. Den e dianan despues di Joslin su desaparicion luna pasa, media local a reporta cu bisiñanan a acusa e mama di a bende e mucha pa solamente 1,000 dollar.



A descubri e mucha su paña benta afo alrededor di Joslin su cas fin di siman pasa y esaki a aumenta e emocionnan.

Su mama, Kelly Smith, awo ta acusa di secuestro y ofensanan di contrabanda di hende conhuntamente cu 3 otro persona, 2 hende homber y un muhe. Un di e hombernan ta Smith su pareha. El a

acusa cu el a lag’e cu Joslin dia 19 di februari mientras el a bay trabao. E dia aki Joslin a disparce.

E 4 sospechosonan no a haci un declaracion den respuesta na e acusacionnan y otro audiencia den corte ta plania pa tuma luga proximo siman. Nan lo permanece bao detencion segun e fiscalnan a informa.



Apesar di operacionnan di buskeda grandi cu polis, bombero, autoridadnan di e ciudad y unidadnan di cacho specialisa alrededor di e cas di e famia na Saldanha Bay, te ainda no a logra haya Joslin. Polis a bisa cu a mira paña di un mucha fin di siman pasa alrededor di algun casnan chikito unda Joslin tabata biba y a ser manda pa laboratorio pa asina

haci examinacion forense. Miembronan di e comunidad cu tambe ta involucra den e buskeda a bisa cu e pañanan tabata yen di sanger y tambe a haya un cuchiu. Polis no a duna mas detaye riba loke a ser descubri.

Fiscalnan a bisa den documentonan di corte pblica diahuebs cu Kelly Smith y otronan a conspira pa secuestra Joslin y intencionalmente a bende, entrega of intercambia e mucha. E sospechosonan ta enfrenta un sentencia di cadena perpetua si nan ser condena di e acusacion principal di contrabanda di hende.

E sospechosonan a ser hiba detencion den un van di polis arma mientras cantidad grandi di hende tabata grita “Husticia pa Joslin.”

Tripulacion di e crucero gigante Icon of the Seas ta rescata 14 hende cu ta drif den lama

(AP)—E tripulacion di kico ta ser considera e crucero mas grandi na mundo a rescata 14 hende wantando na un boto chikito cu tabata drif riba e ocean, autoridadnan a bisa.

Pasaheronan abordo di e Icon

of the Seas a captura video di e tripulacion uzando un boto chikito pa ferry e grupo na seguridad di e crucero diadomingo. E crucero a cuminsa na Miami y e barco tabata bayendo Honduras ora e rescate a tuma luga, pasaheronan a bisa.

E crucero a encontra cu e boto chikito “ta drif y den necesidad di asistencia,” segun Royal Caribbean a bisa den un declaracion pa AP diahuebs. “E tripulacion inmediatamente a lansa un operacion di rescate, treciendo 14 hende abordo,” e compania a bisa. “E

tripulacion e provee atencion medico y ta trahando cerca cu e Guarda Costa Mericano.”

E tripulacion a zona “Code Oscar, Code Oscar, Code Oscar” riba speaker rond di 3or di atardi, segun Alessandra Amodio a bisa den un reportahe riba

FoxWeather.com. Icon of the Seas ta considera pa expertonan di e industria di crucero como e crucero mas grandi na momento awo, manera Miami Herald a reporta. E por acomoda 5,610 bishitante y 2,350 miembro di tripulacion.

Servicio di siguridad Suiso ta informa aresto di 4 persona bao sospecha di preparacion pa “ofensanan terrorista”

(AP) - Suecia su servicio di siguridad a bisa diahuebs cu nan a aresta 4 persona bao sospecha di “prepara ofensanan terrorista” cu relacion na crimen di extremismo Islamico y crimen organisa.

E servicio no a bisa unda ni ki tempo e supuesto atakenan lo a tuma luga, pero den un declaracion cortico a agrega cu nan a traha riba e caso pa hopi tempo.” Varios cas a ser revisa den e operacion cual a involucra “violencia di extremismo Islamico” cu “Conexionnan na crimen organisa serio,” e declaracion a bisa.

Media di Suisa a reporta cu tin un operacion grandi di polis na Tyreso, sur di Stockholm y un noticiero publico SVT a bisa cu tin un “explo-



sion poderoso na un cas di club” pero no a keda cla kico en realidad a causa e explosion.

Den augustus, e servicio di siguridad conoci como SAPO, a sende su alerta di terror na e di dos nivel mas halto despues di textonan re-

ligioso den publico. E situacion di siguridad a deteriora den lunanan recien despues cu a kima Quran den e pais y protestanan den e mundo

musulman a tuma luga, ambos cual a impacta di manera negativo e nacion Nordico su imagen.

E kimamento di bukinan religioso na Suecia, campananan cu informacion incorrecto andando riba rednan social y tur caminda a afecta di manera negativo e perfil di Suecia. E falta di respet pa e bukinan religioso a ser haci bao e libertad di expresion. Suecia no tin un ley cu ta especificamente prohibi e kimamento of ofensanan contra e Quran of otro textonan religioso. Manera varios pais den occidente, e no tin leynan di blasfemia. Suecia a bandona esaki den añanan 1970.

Diabierna 8 Maart Dia Internacional di Hende Muhe

Comicion pa celebra “Dia Internacional di Hende Muhe” di Centro di Bario Playa Pabao (CBPP) ta invita nos hendenan muhe y nan pareha pa un anochi interesante y sumamente informativo en conexion cu Dia Internacional di Hende Muhe 2024.

E anochi aki lo ta na Centro di Bario Playa Pabao, diabierna dia 8 di maart anochi di 7 pm - 9pm . Entrada ta gratis. E simpatico y elegante notario Sra. Rodriguez-Tackema lo ta nos orador principal cu capitulo 2, Riba peticion di e publico, cu ta desea mas di e temanan encuanto testament, partnerschap registra, schenking y e libertad pa laga duna bo pertenencianan na esun cu abo kier. E aña aki ta agrega e tema di erfpacht re-



cht. Nos por corda e sala “full house” aña pasa y e tantisimo preguntanan.

Lo tin un ora social cu grupo di baile di CBPP, poemanan recita pa e poetanan Omaira Britten, Ruthy Vrieswijk y Ariana Koolman, cu ya por

ser considera famia di CBPP y cu e dushi y fantastico canto di e homber “chikito grandi “ cu sa kico ta crea dushi ambiente cu su potente voz : Quincy Hasham, y un of mas cantante sorpresa e biaha aki. Lo tin mas sorpresa agradable y bunita durante e ano-

chi di celebra dia Internacional di Hende Muhe aki den CBPP pa nos bunita hende muhenan di Playa Pabao y vecindario. Y lo tin un cariño sorpresa, recuerdo di e dia ey, pa e prome 50 muhenan

cu yega CBPP. MC lo ta e dinamico cabayero presidente di CBPP Dennis Burke, e homber cu ta traha incansablemente pa su barrio ya ta algo mas di 45 aña caba.

Diasabra tin Opendag di Filomena College MAVO



Diasabra, 9 di maart 2024, Filomena College MAVO na San Nicolas, e scol cu e vision di ARTE, ta tene su dia di bishita pa publico di Aruba. Tur alumno di zesde klas di scol basico di Aruba ta cordialmente invita, hunto cu nan mayornan, pa ta presente diasabra awo.

Lo tin maestronan presentando nan les dunando tur bishitante un idea di con lesnan di entre otro N&T,

ASW, Wiskunde, Aardrijkskunde, Geschiedenis, CKV (Arte), Biologie, Nederlands ta bay na Filomena College MAVO.

Fecha: diasabra, 9 di maart 2024

Ora: 9:00 am pa 12:00 pm
Adres: Weg Sero Preto 4, San Nicolas

Directorado hunto cu tur maestro, personal y alumno ta invita Aruba completo pa yega na e Opendag 2024.

Resultado Sorteo
Maart 07

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
4034	5785	2831	3750
9465	7034	SUPER5	8872
4164	5203	58434	0781

MERDIA

ANOCHI

Sorteo # 4203

0065

6689

6551

FP

Sorteo # 4203

8086

X5

Sorteo # 2259

4549

Sorteo # 4203

5283

Piscis

Sorteo # 1077

131

FP

Sorteo # 8189

5035

5754

5559

X5

Sorteo # 7233

8247

X2

Sorteo # 1938

6533

Sorteo # 5992

0928

Sagitario

Sorteo # 922

021

X2

Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

100.000,-

Sorteo # 6409

0 x Jackpot

11 x Match 4

101 x Afl. 8,00

05-09-16-24-29

Proximo Jackpot

60.000,-

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

250.000,-

Afl. 350.000,-

Sorteo #

King Classic Sudoku

		1				8	7
8		9	7		2		5
				1	4		
3	5						8
		8	5		1		2
		7	2				4
	9	2			3	7	5
6	1						9

Difficulty: ★★★★★

5/12

©2023 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera San Nicolas
Tel. 588 6638 Tel. 584 4833

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Centro di Bario Santa Cruz y Bario Unico ta presenta e prome Ban Conecta den Bario

Ban Conecta den Bario ta un evento di networking cu lo tuma luga na e diferente centronan di bario, pero cu lo mester wordo carga door di e bario. Un sesion di “Ban Conecta den Bario” por ser mira como un mini network y lo wordo organisa minimo 1 biaha pa luna.

E programmeider di e Centro di Bario lo organisa e prome “Ban Conecta den Bario” y durante e prome sesion lo por bin cu ideanan, apunta hende(nan) cu lo ta na encargo pa continuacion di e siguiente sesionnan. Habitantenan lo por cera conoci cu otro, mantene y traha riba e contacto ya estableci y conhuntamente traha pa nan respectivo barionan.

E meta di “Ban Conecta den Bario” ta pa hunto, como habitantenan di bario y Centro di Bario, traha pa hunto bin cu cambionan positivo y duradero cu ta desea den e respectivo barionan na Aruba. Tur e cambionan positivo y duradero den e diferente barionan no solamente lo ta beneficioso pa e diferente barionan en cuestion, pero alabes tambe pa henter comunidad di Aruba.

Centro di Bario Santa Cruz ta bay ta e prome Centro di Bario cu lo organisa e evento aki hunto cu BARIO UNICO y CEDE ARUBA. Esaki ta tuma lugar dia 8 di Maart 2024 di 7or pa 9or di anochi na Centro di Bario Santa Cruz mes situa na Pabilon 101F. E idea ta pa nos invita un grupo varia di hendenan cu conocemento di e bario. Manera cierto ‘leadernan’ di bario, hendenan bon conecta, hendenan pa cual e bario tin hopi respet y confiansa.

Centro di Bario Santa Cruz ta cla pa cuminsa cu esaki y nos prome seccion ta bay ta un Ban Conecta Women Edition mirando cu ta cay riba dia di hende muher.

TIN MESTER

Perfect Landscaping

tin mester di

Tuinman

pa diferente di su departamentonan.

Pasa personalmente jena un aplicashon.

217611



Nos a invita un grupo di 10 hende muher cu nos ta kere sa hopi di nos bario di Santa Cruz pero tambe cu ta habri pa yuda nos Centro di Bario den futuro.

Nos di Centro di Bario Santa Cruz ta spera di saca bon provecho di e evento aki miran-

do cu nos ta e Centro di Bario relativamente nobo, caminda nos ta desea sigur di conecta cu nos hende nan di bario di Santa Cruz. E ta mas cu un honor di organisa un evento manera esaki pa nos conecta, scucha, inspira y bin cu cambio den e bario di Santa Cruz.

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla cu un awasero pasahero

Temperatura maximo 32 grado Celsius

Temperatura minimo 26 grado Celsius

Indice di calor (heat index) den y rond di oranan di merdia: 33 pa 38 grado Celsius

UV index: 10

Bahada di solo : 6:50 pm

Subida di solo : 6:51 am

Biento:

Modera te basta fuerte for di direccionnan generalmente oost;

Forsa 4 te 5 (20 te 39 km/ora, 11 te 21 nudo).

Den dia fuerte te posiblemente duro den rafaga;

Forsa 6 te 7 (40 te 61 km/ora, 22 te 33 nudo).

Situacion general di tempo pa proximo 24 ora:



Extension di un area di presion halto riba Atlantico lo sigui domina e tempo den region local, manteniendo clima generalmente seco. Un aumento leve di humedad den oranan di marduga y mainta trepan por produci un awasero pasahero na e momentonan ey.

Condicionnan maritimo/estado di lama:

Na partinan protegi di costa: keto, rond di 1 pia.

Na partinan zuid: trankil te modera, entre 2 pa 3 pia.

Na partinan oost te noordwest di costa: generalmente modera cu olanan di 4 pa 5, localmente 6 pia.

EDDIE DAOU SU TRAYECTORIA NA RADIO 1270

Eddie Daou cu Claret Lopez a cuminsa transmiti baseball hunto na Radio Carina, pa despues a bay Radio Caruso Booy y a culmina na Radio 1270 AM caminda cu transmision di baseball a yega un punto asina grandi hamas bisto aki na Aruba. Radio 1270 AM a bira mesora e prome radio pa transmiti tur wega di baseball AA cu un antesala di wega y entrevista despues di wega.

E transmisionnan di baseball a traves di Radio 1270 AM a gosa di un sintonia masha grandi den comunidad. Esaki a sosode pa mas di 12 aña. Aki por a haya tur informacion, incluyendo cifranan di resultado, con wega a bay, miho hugada di dia, etc. Simplemente e bos di baseball!

Radio 1270 AM ta e emisora cu, bou guia profesional di Eddie Daou y su team, a introduci transmision live for di tur skina di mundo, cu tabatin Aruba hungando baseball.

Fresco den nos memoria ta e bosnan di Eddie Daou, Roy Helder, Claret Lopez, Amador Oduber y Alex Falconi cu ta resona cu entusiasmo, experiencia y cu un dedicacion total. Eddie tabata e mentor den locucion pa hopi. Eddie tabata e asina yama enciclopedia riba tereno di baseball y di locucion. Y asina

Eddie a laga su stempel atras!

Tirando un bista den pasado, por conclui cu door di circunstancia imprevisto for di mannan di Radio 1270 AM, di un dia pa otro Eddie Daou y Claret Lopez mester a cuminsa transmiti tur wega di futbol di campeonato, incluyendo play off. Aki ta caminda cu Roy Helder a cay aden como narador y pa pone cherry riba e bolo di transmision di futbol, e ekipo di Radio 1270 AM a termina e naracion e aña ey na Tele Aruba tambe, pues radio y television a bin cu tur wega di play off.



Roy Helder, Claret Lopez, Chu Halabi, hunto na e reconocimiento di Eddie



Eddie y Roy Helder hunto cu Ergilio Hato cu a bai transmiti e inauguracion di e compleho Deportivo nobo.



Eddie hunto cu Claret Lopez, Roy Helder y Minister Watty Vos na momento di entrega plakaat pa Campeon Estrella.



Fouad Antonio Daou
"Eddie Daou"
 QEPD



Eddie hunto cu Andruw Jones cu Sidney Ponson despues cu Andrew a frima cu Braves



Eddie ricibiendo un reconocimiento for di 1270 AM entrega door di Minister Watty Vos qepd hunto cu e Chicho Jesurun qepd.



Transmitiendo wega di Red Machine na Rotterdam, Hulanda entrevistando Cai Cai Williams

Cu esaki a keda demostra cu

Radio 1270 AM, bou encargo di Eddie, Roy y Claret, a tuma rienda den naracion di futbol tambe.

Eddie Daou asina a skirbi su nomber cu Hoofdletter den tanto baseball y futbol, siendo cu e deporte preferi di tanto Eddie y Claret tabata baseball. Roy Helder a simplemente forma e conhunto di naracion di futbol cu a pone futbol termina tambe como e ramo di deporte cu a bira esun mas grandi di Radio 1270 AM. Eddie Daou lo haci falta como amigo di hopi aña di e director di Radio 1270 AM, Frank Leañez. Su recuerdo di profesionalidad y cumplido cu radio oyente lo biba pa semper den mundo deportivo y di radio emisoranan.

Te despues Eddie. Danki pa a halsa naracion di deporte y Radio 1270 AM na e nivel top. Sosega na paz, den brasa di nos Creador.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardado, lo mi no tin falta di nada. E ta ponemi drumi den lugarnan di yerba berde, E ta hibami canto di awanan keto.
Salmo 23:1-2



Fransisca Virginia Werleman- Henriquez
mihor conoci como: “Rina”
vuida di Maximo Werleman dfm
3 december 1939 - 2 maart 2024

Na number di su:

Yiunan: Shariff y Alba Werleman-Salgado Yepes
Rayanda y Milton Kamperveen-Werleman
Nietonan: Ryandra, Janessa, Elisha y Joshua Kamperveen
Manera nietonan: Noemi, Jadhieël y Keilah Geerman

Rumannan: Bibiana (Annie) Lampe-Henriquez y famia
†Bertano y Teresa Henriquez- van der Linden y famia
Mathilde (Tela) Greaux-Henriquez y famia
Adriana (Diana) y Leopoldo Werleman-Henriquez y
famia
†Raymond Henriquez y yiu
†Reymona Henriquez

Su swa y cuñanan:

Theresa Henriquez-v/d Linden y famia
Jolanda y Tony Semeleer Geerman
Juan (Doe) Werleman y famia
Rosalina (Rosa) Frank-Werleman y famia
Arturo (Tuyo) Werleman y Netty Williams y famia
Narcisa (Rina) Werleman y famia
Helen Werleman y famia
Eugenia (Ingrid) Werleman y famia na Hulanda
Angelberto Geerman y Rebecca Niebles y famia
Mariana Geerman y famia

Sobrinonan:

Trudy Lampe y famia
Isandra Dunhof-Lampe y esposo
Lisette Geerman-Lampe y famia
Angelic Ras-Lampe y famia
Raquel Lampe y Claudius Daly y famia
Michael Lampe y famia
Olivia Noguera y famia
David Henriquez y famia
Abel Henriquez y famia
Rosalda De Cuba-Henriquez y famia
Alfredo Henriquez y famia
Connie Werleman-Henriquez y famia
Reynold Greaux y famia
Gwendolyn Geerman-Greaux y famia
Jennifer Werleman y famia
Shuraima Henriquez y famia

Amigonan di cas: Celeste y Banchi Koolman, Nubia y Vito Koolman, Iris Jansen, Robby v/d Linden.

Su ihanan, prima y primonan, comer y compernan, amigonan, bisiñanan, conocirnan y demas famia Werleman, Henriquez, Salgado Yepes, Kamperveen, Lampe, Greaux, van der Linden, Geerman, Ras, Dunhof, Wolff, Pietersz, Daly, Diaz Beltran, de Cuba, Noguera, Alberts, Koolman, Oduber, Winterdal, Semeleer, Rasmijn, Frank, Williams, Niebles.

Su compañeronan di grupo di oracion di Savaneta.

Un danki special na personal di Cas di cuido Paraiso, Stichting Amada y Huize Maristella afdeling Ixoria.

Ta invita pa e acto di entierro cual lo tuma lugar diabierna 8 di maart 2024 di 2or pa 4or di atardi na Pray Funeral Home y despues ta sali pa santana Central na Sabana Basora.

Oportunidad pa condolencia lo ta diahuebs 7 di maart 2024 di 7or pa 9or di anochi na Pray Funeral Home San Nicolaas.
Nos disculpa si den nos tristesa nos por a lubida algun famia of conoci.

Nos ta lamenta cu despues di entierro nos no lo por risibi bishita na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

pone mi konfiansa”
Salmo 91:1-2

Cu dolor na nos curason, nos ta participa fayecimento di nos ser stima:



Jessica Velinda Petrocchi-Tromp
Mihor conoci como “Yuchi”
*01-01-1967 - †02-03-2024

Mama: †Elizabeth Tromp
Tata: †Edgar Magdalena
Na number di su:
Casa: Rufino I. Petrocchi
Yiunan:
Kassandra Crisleen Cristin
Kate Petrocchi
Roland Petrocchi
Christopher Michael Tromp
Sua y cunanan:
Rubio Petrocchi y yiunan
Edna Petrocchi y yiunan
Erwin Petrocchi y yiunan
Christina Petrocchi y yiunan
Roberto Petrocchi
Marjeta Petrocchi
†Roland Petrocchi
Ruthmila Petrocchi y yiunan
Rumanan:
Zoraida Tromp y yiunan
Juni Tromp y yiunan
Mirna Tromp y yiunan
Marianela Tromp y yiunan
Ingrid Tromp y yiunan†
†Nathalie Tromp y yiu
Richard Tromp y yiunan
Carina Tromp y Kurt Michae y yiunan
†Omira Tromp y Douglas y yiunan
Judith Gross y Julio y yiunan
†Jario Tromp y yiu
Magdalena

Tanta y Omonan:

†Carmen Croes
†Nini Solognier
†Calista Tromp y yiunan
†Brigida Tromp y yiunan
†Beni Tromp y yiunan
†Francisco Tromp y yiunan
Aurita House y yiunan
Jossy “Pieuw” Tromp y yiunan

Subrina y Subrinonan na Aruba y Hulanda

Primo y primanan na Aruba, Curacao y Hulanda

Demas Famianan: Tromp, Petrocchi, Magdalena, Dirksz, Lake, Vrolijk, Blanco, House, Montanera, Obispa, Werleman, Kussy, Gross, Redondo, Solognier, Reina, Hart, Leonora, Trimon, De Matilia, Damascus, Ras, Teofile,
y amiga di famia Anthony Tromp, Irena Dijkhof,
Y demas pa tur famia extendi, amigo, amiganan y conocinan.

Ta invita pa acto di condolencia cual lo tuma lugar na Aurora Funeral Home diahuebs 7 di maart 2024 di 7’or pa 9’or di anochi.

Despedida lo tuma lugar diabierna 8 di maart 2024 na Aurora Funeral Home di 2’or pa 4’or di atardi. Cremacion lo tuma lugar despues den seno familiar.

Desculpa pa esnan cu no a wordo menciona pero semper den su curason.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi”
Salmo 33

Cu honda pena, pero conforme cu voluntad di Dios, nos ta participa fallecimiento di nos mama, wela, bisawela y tanta stima:



Sra. Edith Elvira Ponson-Fawcett
mihor conosi como “NENA PONSON”
*01-11-1936 †03-03-2024
Viuda di Herman E. Ponson
“MANCHITO”

Su hende nan stima:

Vivian y Cor Storm-Croes

Monique van der Horn y Jofren Krosendijk
Joccan, Joey, Joa y Elise

Marjolein y Eugene de Zwart-Storm
Nathan, Carmen, Raph y Lenn

Angelique van der Horn y Andre Croes
Ilajay, Alexander y Jacob

Carlos F. (Fanfito) Croes
Carlos y Katie y yiunan
Luz y Bart
Paola y Maas
Kevin

Mildred y Bart Guliger-Croes
Miriam Croes
Pedro C. (Carlito) Croes
Eddy Croes

Ayudante stima: Maria (Mary) Eugenia.

Demas famia na: Colombia, Merca, Hulanda, Brazil y Francia.

Su amiganan stima: Fanny, Helen, Emperatriz, Nuhad, Mildred, Evelina R., Trina, Celsa, Olivia, Maybeline, Carolina, Neke, Evelina H., Femmy, Elivia y Anna.

Tur su amiganan di Women’s Club of Aruba. Atención y cariño duna di Trinity Quality Care Service

Demas famia: Fawcett, Ponson, Ruiz, van der Horn, Storm, Croes, Krosendijk, van der Linden, de Lima, Wever y van Romondt.

Nos disculpa si den nos tristeza nos por a lubida di menciona un of otro famia y conoci.

Ta invita pa acto di condolencia cu lo tuma lugar dialuna 11 di maart na Royal Funeral Home di 7:00 pa 9:00 di anochi.

Acto di despedida lo tuma lugar diamars 12 di maart 2:00 pa 4:00 di atardi na Royal Funeral Home después lo sali pa Santana Protestant na Playa.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Fouad Antonio Daou
"Eddie Daou"

Na number di su:

Señora Vuida: †Rosa Maria Halabi Daou

Yiunan: Hugo y Anna Daou
Camille y Adison Ras

Nietonan: Tanya Daou y Jonathan Fernandez, John
Anthony Angela y Ludveri Flores Angela, Camille Angela,
Danika Ras

Bisanietonan: Atyanna, Annalea y Alya Fernandez,
Alice y Yousef Angela

Rumannan: †Romeo y Ria Daou-Ogink
†Gabriel y †Gladys Daou-Salas
Teresa y †Mohamed Ayubi Daou
†Fares y †Glenda Daou-Trappenberg
†Alexander Daou
†Henri y Lusell Daou-De Lima
†Sanin y Carlyn Daou-Hollander
†Jouliette Daou

Swanan: Myrna Halabi, yiunan y famia
Ricardo y Jenny Halabi yiu y famia
Ellis y Evelyne Martes Halabi yuinan y famia
Jesus "Chu" y Ivis Halabi yiunan y famia

Subrino(a): Desi, Michel, Daniela, Fabian y famia,
Lilianne, Alexis, Stephanie y famia, Firdawzy, Ali, Samir, Susy y
famia, Samir y famia, Maira, Samirah y famia, Sannin, Faridi y
famia, François, Manon, Fatme y famia

Primo(a)nan: †Ricardo Elhage y famia, †Maritza y †George
Kobrossi-Elhage y famia, †Victor y †Siham Elhage-Hammoud
y famia, †Olga Elhage, †Alexis Elhage y famia, Ditiana y Robby
Hollander-Elhage y famia, Emily y †Arthur de Jongh-Elhage y
famia, †Philip y Jane Elhage-Peterson y famia

Conosi y cuidado di famia: Rita Becker y famia

Employees nan di Dowco N.V, Amigo y Amiga nan mucho pa
menchona

Demas Famia: Daou, Halabi, Elhage, Ayubi, Wagner, Fernandez,
Ras, Leañez, Kelly, Falconi y mucho mas

Nos disculpa si den nos tristesa nos a lubida miembro di famia
/ amigo nan

Ta invita pa e acto di entierro cu lo tuma lugar diabierna 8 di
maart 2024 di 2:00 pa 4:00 pm na Royal Funeral Home, despues
lo sali pa Santana catolico Pastoor Kraanwinkel na Paradera

Cas di Cultura ta presenta Grease, the rock 'n' roll musical

Cas di Cultura ta suma-
mente entusiasma pa pre-
senta "Grease, the rock 'n'
roll musical". For di mo-
mento cu e team di Cas di
Cultura a ricibi e licencia
pa produci e musical aki
na Aruba, e trabou gran-
di a cuminsa pa hinca e
produccion den otro cual
mester cumpli cu e stan-
dardnan internacional.

E fin di aña aki, Aruba sigur
lo por disfruta di un tremen-
do show, cu actuacion, canto
y baile di talentonan local
basa riba e buki original, cu
musica y letra di Jim Jacobs y
Warren Casey.

Cas di Cultura ta haci un
yamada na tur esnan cu ta de-
sea di participa na Grease, the
rock 'n' roll musical. Ideal-
mente ta en busca di persona
desde 15 aña cu por canta,
baila y actua. Pero si bo ta
domina bo bos y por baila of
actua, esaki ta bo oportunidad
pa participa na algo grandi y
excitante.

E audicionnan pa Grease, the
rock 'n' roll musical lo tuma
lugar riba:
Diasabra, 23 di maart entre 6
- 10 PM
Diadomingo, 24 di maart en-



tre 4 - 7 PM

E meta di e proyecto aki ta de-
saroyo di talento. Pa participa
na e pruebanan, mester manda
un e-mail na: info@casdi-cultura.aw. Esnan cu inscribi
via e-mail, lo ricibi un mono-
logo (script cortico) y algun
cantica, di cual por scoge un
pa prepara di antemano. Un
cantica di Grease cu tur per-
sona por prepara di antemano
ta: "We go together".

Esnan cu inscribi trempa
lo tin mas tempo pa prepara
nan mes pa e audicion. Riba
e dianan di audicion lo tin
prueba di baile pa wak e nivel
di movecion y capacidad pa
capta y corda coreografia. Pa
e parti di baile no mester pre-
para di antemano.
E storia di Grease ta tuma
luga na "Rydell High School"

na Chicago. E musical ta
sigui e bida di dies diferente
hoben cu ta atende e scol
secundario, mientras nan ta
nabega topiconan manera
"peer pressure", politica, ba-
lor y norma personal, amor
y namoramento durante nan
hubentud.

E musical lo wordo dirigi
door di un team cu hopi ex-
perencia, incluyendo director
di teatro Ferdinand Franca.
E instructor di baile ta Kevin
Gumbs, cu lo dirigi e coreo-
grafia y Nicole van Eer lo ta
encarga cu e parti di canto y
coro. E instructornan, hunto
cu e team tecnico y audio-
visual di Cas di Cultura, ta
cla pa prepara e escenario y e
actornan, pa por presenta un
musical di calidad halto na
comunidad di Aruba.

Bedroefd hebben wij afscheid genomen van

Geraldine C. Coffi



Geraldine was een bijzondere en geliefde collega. Meer dan
een collega was zij familie.

Zij was gedurende 28 jaar een constante en belangrijke
medewerker in ons kantoor waar wij altijd op konden rekenen.

Zelfstandig en secuur, altijd een menselijk tintje aan alles wat
ze deed.

Wij zullen Geraldine enorm missen.

KKP KLOES KOCK
& PARTNERS
ATTORNEYS AT LAW

WAREHOUSE SALE

8TH & 9TH MARCH

SAVE
R40




RADIOSHACK
OPTICAL SOUND BAR 40W RMS BLACK
4001936

NOW
R149

WAS R189

SAVE
R560



NOW
R999

WAS R1559

GE
DISHWASHER BUILT-IN
COMPACT 18" MODEL
WIFI CONNECT SS
PDT1455SLSS

SAVE
R531



NOW
R1099

WAS R1630

WHIRLPOOL
GAS COOKTOP 30"
4 SEALED BURNERS
BLACK
WCG55US0HB

SAVE
R720



NOW
R1399

WAS R2119

GE
STOVE 30" 4 SEALED BURNERS
ELECTRONIC IGNITION WHITE
JGB66DEKWW

SAVE
R33



NOW
R69

WAS R102

RADIOSHACK
BLUETOOTH SPEAKER 13W 1500MAH
FM/USB/SD BLACK
4001749

SAVE
R636




NOW
R1499

WAS R2135

WHIRLPOOL
FREEZER-CHEST
15 CUB FT. 2 DOORS
WHITE
WHB42EBTWJ

SAVE
R410



NOW
R1649

WAS R2059

LG
LED 75" UHD 4K THINQ AI
QUAD CORE PROCESSOR
4K
75UR7750PSB

SAVE
R777



NOW
R1022

WAS R1799

HOME THEATRE SYSTEM WIRELESS HIGH FIDELITY SUBWOOFER BLACK
KLIPSCH HT069074

SAVE
R100



NOW
R499

WAS R599

**SLEEP
ON IT**
BACK SUPPORT MATTRESS 4'6"
(BMT30B-1503)

SAVE
R82



NOW
R179

WAS R261

CHALLENGER
RANGE HOOD 30" 3 SPEED 120W STAINLESS STEEL
CX4572/1 A572.73

SAVE
R300



NOW
R599

WAS R899

RESTONIC
RESTONIC CHIROTONIC PILLOWTOP
MATTRESS QUEEN (BMT2EF-5056)

SAVE
R400



NOW
R799

WAS R1199

SERTA
SERTA 5'0" QUEEN SPINAPEDIC
PILLOWTOP MATTRESS (BMT2B4-3523)

SAVE
R55



NOW
R79

WAS R134

RADIOSHACK
WIRELESS DUO MICROPHONE CONE TYPE
WIRELESS DUO MICROPHONE CONE TYPE

SAVE
R200



NOW
R599

WAS R799

SERTA
SERTA SPINAPEDIC EXTRA FIRM
MATTRESS FULL (BMT2B1-3519)

SAVE
R300



NOW
R999

WAS R1299

RESTONIC
COMFORT CARE PILLOWTOP MATTRESS
QUEEN (BMT304-5061)



LOCATION 
SABANA BLANCO 1D
(BANDI BOHAMA)

**8:30AM
TILL
4:30PM**